

元史

冊十一



元史卷六十二

明翰林學士亞中大夫知制誥兼修國史宋濂 等修

地理志第十四

地理五

江浙等處行中書省為路三十府一州二屬州二十六屬縣一百四十三本省陸站

一百八十二處水站

江南浙西道肅政廉訪司

杭州路上唐初為杭州後改餘杭郡又仍為杭州五代錢鏐據兩浙號吳越

國宋高宗南渡都之為臨安府元至元十三年平江南立兩浙都督府又改

為安撫司十五年改為杭州路總管府二十一年自揚州遷江淮行省來治

于杭改曰江浙行省本路戶三十六萬八百五十口一百八十三萬四千七

百一十至元二十七年抄籍數領司二縣八州一

左右錄事司宋高宗建炎三年遷都杭州設九廂元至元十四年分為四隅錄事司泰定二年併為左右二錄事司

縣八

錢塘上仁和上與錢塘餘杭中臨安中新城中富陽中於潛中昌化中

州一

海寧州中唐以來為鹽官縣元貞元年以戶口繁多升為鹽官州是年

南平陽等縣為州以戶為差戶至四萬五萬者為下州五萬至十萬者為中州凡為中州者二十八下州者十五泰定四年海圯

鹽官天曆二年改海寧州海寧東南皆濱巨海自唐宋常有水患大德延

祐間亦嘗被其害泰定四年春其害尤甚命都水少監張仲仁往治之沿

海三十餘里下石圍四十四萬三千三百有奇木櫃四百七十餘工役萬

人文宗即位水勢始平乃罷役故改曰海寧云

湖州路上唐改吳興郡又改湖州宋改安吉州至元十三年升湖州路戶二

十五萬四千三百四十五抄籍戶口數闕領司一縣五州一

錄事司舊設東西南北四廂至元十三年

立總督四廂十四年改錄事司

縣五



烏程上 歸安上與烏程皆為倚郭 安吉中 德清中 武康中

州一

長興州中 唐為綏州又更名雒州又為長城縣朱梁改曰長興宋因之元

元貞元年升為州

嘉興路上 唐為嘉興縣石晉置秀州宋為嘉禾郡又升嘉興府戶四十二萬

六千六百五十六口二百二十四萬五千七百四十二領司一縣一州二

錄事司舊置廂官元初改為兵馬司至元十四年置錄事司

縣一

嘉興上倚郭

州二

海鹽州中 唐為縣宋因之元元貞元年升州

崇德州中 石晉置宋因之元元貞元年升州

平江路上 唐初為蘇州又改吳郡又仍為蘇州宋為平江府元至元十三年

升平江路戶四十六萬六千一百五十八口二百四十三萬二千七百領司

一縣二州四

錄事司

縣二

吳縣<sup>上</sup>長洲

上與吳縣並為倚郭

州四

崑山州<sup>中</sup>唐以來為縣元元貞元年升州

常熟州<sup>中</sup>唐以來為縣元元貞元年升州

吳江州<sup>中</sup>唐以來為縣元元貞元年升州

嘉定州<sup>中</sup>本崑山縣地宋置縣元元貞元年升州

常州路<sup>上</sup>唐初為常州又改晉陵郡又復為常州宋因之元至元十四年升

為路戶二十萬九千七百三十二口一百二萬一十一領司一縣二州二

錄事司

縣二

晉陵

中倚郭

武進

中倚郭

州二

宜興州

中

唐義興縣宋改義為宜至元十五年升宜興府二十年仍為縣

二十一年復升為府仍置宜興縣以隸之元元貞元年府縣俱廢止立宜

興州

無錫州

中

唐無錫縣元元貞元年升州

鎮江路

下

唐潤州又改丹陽郡又為鎮海軍宋為鎮江府元至元十三年升

為鎮江路戶一十萬三千三百一十五口六十二萬三千六百四十四領司

一縣三

錄事司

縣三

丹徒

中倚郭

丹陽

中

金壇

中

建德路上唐睦州又為嚴州又改新定郡宋為建德軍又為遂安軍後升建德府元至元十三年改建德府安撫司十四年改建德路戶一十萬三千四百八十一口五十萬四千二百六十四領司一縣六

錄事司

縣六

建德中倚郭淳安中遂安下桐廬中分水中壽昌中

松江府唐為蘇州屬邑宋為秀州屬邑元至元十四年升為華亭府十五年

改松江府仍置華亭縣以隸之戶一十六萬三千九百三十一至順錢糧數領縣

二華亭上倚郭上海上本華亭縣地至元二十七年以戶口繁多置上海縣屬松江府

江陰州上唐初為暨州後為江陰縣隸常州宋為軍元至元十二年依舊置

軍行安撫司事十四年升為江陰路總管府今降為江陰州戶五萬三千八

百二十一口三十萬一百七十七

浙東道宣慰司都元帥府元治婺州大德六年移治慶元



慶元路上 唐爲鄞州又爲明州又爲餘姚郡宋升慶元府元至元十三年改置宣慰司十四年改爲慶元路總管府戶二十四萬一千四百五十七口五十一萬一千一百一十三領司一縣四州二

錄事司

縣四

鄞縣上倚郭 象山中 慈溪中 定海中

州二

奉化州下 唐析鄞縣地置奉化縣隸明州元元貞元年升爲奉化州隸慶元

昌國州下 宋置昌國縣元至元十四年升爲州仍置昌國縣以隸之後止立昌國州隸慶元

衢州路上 本太末地唐析婺州之西境置衢州又改信安郡又改爲衢州元至元十三年改衢州路總管府戶一十萬八千五百六十七口五十四萬三

千六百六十領司一縣五

錄事司

縣五

西安中倚龍游上江山下常山下開化中  
郭  
今復舊名

浙東海右道肅政廉訪司

婺州路上唐初為婺州又改東陽郡宋為保寧軍元至元十三年改婺州路

戶二十二萬一千一百一十八口一百七萬七千五百四十領司一縣六州

一

錄事司

縣六

金華上倚東陽上義烏上永康中武義中浦江中  
郭

州一

蘭溪州下本金華之西部三河戍唐析置蘭溪縣宋因之元元貞元年升

州

紹興路<sup>上</sup> 唐初為越州又改會稽郡又仍為越州宋為紹興府元至元十三年改紹興路戶一十五萬一千二百三十四口五十二萬一千五百八十八領司一縣六州二

錄事司

縣六

山陰

<sup>上</sup> 會稽 中與山陰俱倚郭有會稽山為南鎮

上虞

<sup>上</sup> 蕭山 中

嵯縣 <sup>上</sup>

新昌 中

州二

餘姚州

<sup>下</sup>

唐餘姚縣宋因之元元貞元年升州

諸暨州

<sup>下</sup>

宋諸暨縣元元貞元年升州

温州路

<sup>上</sup>

唐初為東嘉州又改永嘉郡又為温州宋升瑞安府元至元十三

年置温州路戶一十八萬七千四百三口四十九萬七千八百四十八領司

一縣二州二

錄事司

縣二

永嘉上倚樂清下

州二

瑞安州下唐瑞安縣宋因之元元貞元年升州

平陽州下唐平陽縣宋因之元元貞元年升州

台州路上唐初為海州復改台州又改臨海郡又為德化軍宋因之元至元十三年置安撫司十四年改台州路總管府戶一十九萬六千四百一十五口一百萬三千八百三十三領司一縣四州一

錄事司

縣四

臨海上倚仙居上寧海上天台中

州一



黃巖州下唐爲縣宋因之元元貞元年升州

處州路上唐初爲括州又改縉雲郡又爲處州宋因之元至元十三年立處州路總管府戶一十三萬二千七百五十四口四十九萬三千六百九十二領司一縣七

錄事司

縣七

麗水中倚郭龍泉中松陽中遂昌中青田中縉雲中慶元中

江東建康道肅政廉訪司

寧國路上唐爲宣州又爲宣城郡又升寧國軍宋升寧國府元至元十四年升寧國路總管府戶二十三萬二千五百三十八口一百一十六萬二千六百九十領司一縣六

錄事司舊立四廂元至元十四年廢四廂創立

縣六

宣城上倚南陵中涇縣中寧國中旌德中太平中

徽州路上唐歙州宋改徽州元至元十四年升徽州路戶一十五萬七千四

百七十一口八十二萬四千三百四領司一縣五州一

錄事司舊設四廂至元十四年改置

縣五

歙縣上倚休寧中祈門中黟縣下績溪中

州一

婺源州下本休寧縣之回玉鄉唐析之置婺源縣元元貞元年升州

饒州路上唐改鄱陽郡仍改饒州宋因之元至元十四年升饒州路總管府

戶六十八萬二千三百五十五口四百三萬六千五百七十領司一縣三州三

錄事司舊設三廂至元十四年改立

縣三

鄱陽上倚德興上安仁中

州三

餘干州中唐以來爲縣元元貞元年升州

浮梁州中唐以來爲縣元元貞元年升州

樂平州中唐以來爲縣元元貞元年升州

江南諸道行御史臺

集慶路上唐武德初置揚州東南道行臺尙書省後復爲蔣州罷行臺移揚

州江都改金陵曰白下以其地隸潤州貞觀中更白下曰江寧至德中置江

寧郡乾元中改昇州其後楊氏有其地改爲金陵府南唐李氏又改爲江寧

府宋平南唐復爲昇州仁宗以昇王建國升建康軍高宗改建康府建行都

又爲沿江制置司治所元至元十二年歸附十四年升建康路初立行御史

臺于揚州旣而徙杭州又徙江州又還杭州二十三年自杭州徙治建康天

曆二年以文宗潛邸改建康路爲集慶路戶二十一萬四千五百四十八口

一百七萬二千六百九十領司一縣三州二

錄事司

縣三

上元

中倚郭

江寧

中倚郭

句容

中

州二

溧水州

中

唐以來皆為縣元貞元年升州

溧陽州

中

唐以來並為縣元至元十六年升為溧陽路二十七年復降為

縣後復升為州

太平路

下

唐置南豫州宋為太平州至元十四年升為太平路戶七萬六千

二百二口四十四萬六千三百七十一領司一縣三

錄事司

舊設四廂至元十四年改立

縣三

當塗

中倚郭

蕪湖

中

繁昌

下

池州路

下

唐於秋浦縣置池州後廢以縣隸宣州未幾復置宋仍為池州元



至元十四年升爲路戶六萬八千五百四十七口三十六萬六千五百六十七領司一縣六

錄事司

縣六

貴池

下倚郭卽秋浦縣吳改爲貴池

青陽

下

建德

下

銅陵

下

石埭

中

東流

下

信州路

上

唐乾元以前爲衢饒撫建四州之地乾元元年始割衢之玉山常

山饒之弋陽及撫建二州之地置信州宋因之元至元十四年升爲路戶一

十三萬二千二百九十口六十六萬二千二百五十八領司一縣五

錄事司

縣五

上饒

上倚郭

玉山

中

弋陽

中

貴溪

中

永豐

中

廣德路

下

唐初以綏安縣置桃州後廢州改綏安爲廣德縣宋爲廣德軍元

至元十四年升爲路戶五萬六千五百一十三口三十三萬九千七百八十

領司一縣二

錄事司

縣二

廣德

中倚郭建平中

鉛山州

中

本建撫二州之地山產銅鉛後唐析上饒弋陽五鄉為銅場繼升

為縣屬信州宋因之元至元二十九年割上饒之乾元永樂二鄉弋陽之新

政善政二鄉來屬升為鉛山州直隸行省戶二萬六千三十五

至順錢糧數

福建道宣慰使司都元帥府

大德元年立

福建閩海道肅政廉訪司

福州路

上

唐為閩州後改福州又為長樂郡又為威武軍宋為福建路元至

元十五年為福州路十八年遷泉州行省於本州十九年復還泉州二十年

仍遷本州二十二年併入杭州戶七十九萬九千六百九十四口三百八十

七萬五千一百二十七領司一縣九州二州領二縣

錄事司至元十五年行中書省於在城十二廂分四隅置錄事司十六年併其二置東西二司二十年復併爲一

縣九

閩縣中倚郭 侯官中倚郭 懷安中 古田上 閩清中 長樂中 連江中 羅源中 永福

中

州二

福清州下 唐析長樂八鄉置萬安縣又改福唐又改福清元元貞元年升

爲州

福寧州上 唐長溪縣元升爲福寧州領二縣

寧德中 福安中

建寧路下 唐初爲建州又改建安郡宋升建寧軍元至元二十六年升爲路

戶一十二萬七千二百五十四口五十萬六千九百二十六領司一縣七

錄事司

縣七

元

建安中 甌寧中與建安俱倚郭 浦城中 建陽中 崇安中 松溪下 政和下

泉州路上 唐置武榮州又改泉州宋為平海軍元至元十四年立行宣慰司

兼行征南元帥府事十五年改宣慰司為行中書省升泉州路總管府十八

年遷行省於福州路十九年復還泉州二十年仍遷福州路戶八萬九千六

十口四十五萬五千五百四十五領司一縣七

錄事司至元十五年立南北二司十六年併為一

縣七

晉江中倚郭 南安中 惠安下 同安下 永春下 安溪下 德化下

興化路下 宋置太平軍又改興化軍先治興化後遷莆田元至元十四年升

興化路戶六萬七千七百三十九口三十五萬二千五百三十四領司一縣

三

錄事司

縣三



莆田 中宋置興化軍遷治莆田元至元十 仙游 下 興化 下軍治元在此後

屬邑

邵武路 下 唐邵武縣屬建州宋置邵武軍元至元十三年為邵武路戶六萬四千一百二十七口二十四萬八千七百六十一領司一縣四

錄事司

縣四

邵武 中倚郭 光澤 中 泰寧 中 建寧 中

延平路 下 五代為延平鎮王延政始以鎮為潭州南唐置劍州宋以利州路亦有劍州乃稱此為南劍州元至元十五年升南劍路後改延平路戶八萬九千八百二十五口四十三萬五千八百六十九領司一縣五

錄事司

縣五

南平 中倚郭 尤溪 中 沙縣 中 順昌 中 將樂 中

汀州路下唐開福撫二州山洞置州治新羅後改臨汀郡又仍為汀州宋隸

福建路元至元十五年升為汀州路戶四萬一千四百二十三口二十三萬

八千一百二十七領司一縣六本路屯田二百二十五頃

錄事司

縣六

長汀中倚郭寧化中清流下蓮城下上杭下武平下

漳州路下唐析閩州西南境置後改漳浦郡又復為漳州宋因之元至元十

六年升漳州路戶二萬一千六百九十五口一十萬一千三百六領司一縣

五本路屯田二百五十頃

錄事司

縣五

龍溪下倚郭漳浦下龍巖下長泰下南靖下本南勝改今名

江西等處行中書省為路一十八州九屬州十三屬縣七十八本省馬站八十五處水站六十

江西湖東道肅政廉訪司

龍興路上唐初為洪州又為豫章郡又仍為洪州宋升隆興府元至元十二

年設行都元帥府及安撫司仍領南昌新建豐城進賢奉新靖安分寧武寧

八縣置錄事司十四年改元帥府為江西道宣慰司本路為總管府立行中

書省十五年立江西湖東道提刑按察司移省於贛州十六年復還龍興十

七年併入福建行省止立宣慰司十九年復立罷宣慰司隸皇太子位二十

一年改隆興府為龍興二十三年豐城縣升富州武寧縣置寧州領武寧分

寧二縣大德五年以分寧縣置寧州武寧縣隸龍興路戶三十七萬一千四

百三十六口一百四十八萬五千七百四十四至元二十七年抄籍數領司一縣六州

二

錄事司宋以南昌新建二縣分置九廂元至元十三年廢城內六廂置錄事司

縣六

南昌上所倚郭至元二十年割錄事司新建上倚進賢中奉新中靖安中武

寧中至元二十三年置寧州縣為倚郭大德

州二

富州上本富城縣又曰豐城唐自豐水之西徙治章水東即今治所宋屬

隆興府元至元十九年隸皇太子位二十三年升為富州

寧州中唐分寧縣宋因之元至元二十三年於武寧縣置寧州分寧為倚

郭縣大德八年割武寧直隸本路遂徙州治於分寧

吉安路上唐為吉州又為廬陵郡宋升為上州元至元十四年升吉州路總

管府置錄事司領一司八縣元貞元年吉水安福太和永新四縣升州改吉

州為吉安路戶四十四萬四千八十三口二百二十二萬四百一十五領司

一縣五州四大德二年吉贛立屯田

錄事司

縣五

廬陵上倚 永豐上 萬安中 龍泉中 永寧下至順間分  
永新州立

州四

吉水州中 舊爲縣元元貞元年升州

安福州中 唐初以縣置潁州後廢復爲縣元元貞元年升州

太和州下 唐初置南平州後廢爲縣元元貞元年升州

永新州下 唐爲縣元元貞元年升州

瑞州路上 唐改建成縣曰高安即其地置靖州又改筠州宋爲高安郡又改

瑞州元至元十四年升瑞州路領一司三縣元貞元年升新昌縣爲州戶一

十四萬四千五百七十二口七十二萬二千三百二領司一縣二州一

錄事司至元十四年始立

縣二

高安上倚 上高中

州一

新昌州下唐為建成縣屬靖州後省入高安宋割高安上高二縣地升鹽

步鎮為新昌縣元貞元年升州

袁州路上唐為袁州又為宜春郡元至元十三年置安撫司十四年改總管

府領四縣設錄事司隸湖南行省十九年升路隸江西行省元貞元年萍鄉

縣升州戶一十九萬八千五百六十三口九十九萬二千八百一十五領司

一縣三州一

錄事司至元十三年設兵馬司十四年改錄事司

縣三

宜春上倚分宜上萬載中

州一

萍鄉州中本為縣元貞元年升州

臨江路上唐改建成為高安而蕭灘鎮實高安境內南唐升鎮為清江縣屬

洪州後又屬筠州宋即清江縣置臨江軍隸江南西道元至元十三年隸江



西行都元帥府十四年改臨江路總管府元貞元年新淦新喻二縣升州戶一十五萬八千三百四十八口七十九萬一千七百四十領司一縣一州二

錄事司 宋隸都監司元至元十三年設兵馬司十五年改錄事司

縣一

清江 上宋即縣治置臨江軍元至元十四年升軍爲路而縣爲倚郭

州二

新淦州 中 唐以來爲縣元元貞元年升州

新喻州 中 唐以來爲縣元元貞元年升州

撫州路 上 唐初爲撫州又爲臨川郡又仍爲撫州元至元十二年復爲撫州

十四年升撫州路總管府戶二十一萬八千四百五十五口一百九萬二千

二百七十五領司一縣五

錄事司 至元十四年廢宋三廂立

縣五

臨川<sup>上</sup> 崇仁<sup>上</sup> 金溪<sup>上</sup> 宜黃<sup>中</sup> 樂安<sup>中</sup>

江州路<sup>下</sup> 唐初為江州又改潯陽郡又仍為江州宋為定海軍元至元十二年置江東西宣撫司十三年改為江西大都督府隸揚州行省十四年罷都督府升江州路隸龍興行都元帥府後置行中書省江州直隸焉十六年隸黃蘄等路宣慰司二十二年復隸行省戶八萬三千九百七十七口五十萬三千八百五十二領司一縣五

錄事司 宋隸都監司元至元十二年設兵馬司十四年置錄事司

縣五

德化<sup>中</sup> 唐潯陽縣 瑞昌<sup>中</sup> 彭澤<sup>中</sup> 湖口<sup>中</sup> 德安<sup>中</sup>

南康路<sup>下</sup> 唐屬江州宋置南康軍治星子縣元至元十四年升南康路隸江淮行省二十二年割屬江西領一司三縣戶九萬五千六百七十八口四十七萬八千三百九十領司一縣二州一

錄事司

縣二

星子

下南康治所

都昌

上

州一

建昌州

下

唐初置南昌州後廢屬洪州宋屬南康軍元貞元年升州

贛州路

上

唐初為虔州又為南康郡又仍為虔州宋改贛州元至元十四年

升贛州路總管府十五年設錄事司領一司十縣隸江西省二十四年併龍

南入信豐安遠入會昌大德元年寧都會昌二縣升州割瑞金隸會昌至大

三年復置龍南安遠二縣屬寧都戶七萬一千二百八十七口二十八萬五

千一百四十八領司一縣五州二州領三縣

本路屯田五百一十餘頃

錄事司

縣五

贛縣

上州治所

興國

中信豐

下雩都

下石城

州二

元

史

卷六十一

地理志

西中華書局聚

寧都州下唐爲縣元大德元年升寧都州領二縣龍南下至元二十四年併入信豐縣至大

三年復置安遠下至元二十四年省入會昌縣至大三年復置

會昌州下本零都地唐屬虔州宋升縣之九州鎮爲會昌縣復升爲軍元

大德元年升會昌州領一縣瑞金下舊屬虔州大德元年來屬

建昌路下本南城縣屬撫州南唐升建武軍宋升建昌軍元至元十四年改

建昌路總管府割南城置錄事司十九年南豐縣升州直隸行省戶九萬二

千二百二十三口五十五萬三千三百三十八領司一縣三

錄事司至元十四年立

縣三

南城中新城中廣昌中

南安路下唐升大庾鎮爲縣屬虔州宋以縣置南安軍元至元十四年改南

安路總管府十五年割大庾縣在城四坊設錄事司十六年廢錄事司戶五

萬六百一十一口三十萬三千六百六十六領縣三大庾中倚南康中上猶

下南唐爲上猶宋改南安至元十六年改永清後復爲上猶

南豐州下唐爲南豐縣隸撫州宋改隸建昌軍元至元十九年升爲州直隸

行省戶二萬五千七十八口一十二萬八千九百

廣東道宣慰使司都元帥府

海北廣東道肅政廉訪司

廣州路上唐以廣州爲嶺南五府節度五管經畧使治所又改南海郡又仍

爲廣州宋升爲帥府元至元十三年內附後又叛十五年克之立廣東道宣

慰司立總管府并錄事司元領八縣而懷集一縣割屬賀州戶一十七萬二

百一十六口一百二萬一千二百九十六領司一縣七

錄事司至元十六年立以州之東城西城子城并番禺南海二縣在城民戶隸之

縣七

南海中番禺下與南海俱倚郭東莞中增城中香山下新會下清遠下

韶州路下唐初爲番州又更名東衡州又改韶州又爲始興郡又仍爲韶州

元至元十三年內附未幾廣人叛十五年始定立總管府設錄事司戶一萬九千五百八十四口一十七萬六千二百五十六領司一縣四

錄事司

縣四

曲江中元初分縣城西廂地及城外三廂屬錄事司樂昌下仁化下乳源下

惠州路下唐循州宋改惠州又改博羅郡又復為惠州元至元十六年改惠

州路總管府戶一萬九千八百三口九萬九千一十五領縣四歸善下倚博

羅下海豐下河源下

南雄路下本始興縣唐初屬韶州五代劉氏割韶之須昌始興二縣置雄州

宋以河北有雄州改為南雄州元至元十五年改南雄路總管府戶一萬七

百九十二口五萬三千九百六十領縣二保昌下本演昌始興下

潮州路下唐初為潮州又改潮陽郡又復為潮州元至元十五年歸附十六

年改為總管府以孟招討鎮守未幾移鎮漳州土豪各據其地二十一年廣



東道宣慰使月的迷失以兵來招諭二十三年復爲江西等處行樞密院副使兼廣東道宣慰使以鎮之始定戶六萬三千六百五十口四十四萬五千五百五十領司一縣三

錄事司

至元二十年始立

縣三

海陽

下倚郭潮陽 下揭陽 下

德慶路 下唐初爲南康州又名康州又改晉康郡宋升德慶府元至元十三年徇廣東既取廣州而德慶未下十四年廣西宣慰司以兵取之改隸廣西道十七年立德慶路總管府後仍屬廣東道戶一萬二千七百五十口三萬二千九百九十七領縣二端溪 下瀧水 下

肇慶路 下唐初爲端州又改高要郡又仍爲端州宋升肇慶府元至元十三年徇廣東惟肇慶未附十六年廣南西道宣慰司定之因隸廣西十七年改爲下路總管府仍屬廣東戶三萬三千三百三十八口五萬五千四百二十

九領縣二高要中倚四會中

英德州下唐涇州五代南漢為英州宋升英德府元至元十三年歸附十五

年立英德路總管府二十三年降為散州大德五年復為路本州素為寇盜淵藪大德四年

達魯花赤脫歡察兒比歲招降羣盜至二千餘戶遂升英德為路命脫歡察兒為達魯花赤兼萬戶以鎮之至大元年復降為州

領縣一翁源大德五年置

梅州下唐為程鄉縣屬潮州五代南漢置敬州宋改梅州元至元十三年歸

附十六年置總管府二十三年改為散州戶二千四百七十八口一萬四千

八百六十五領縣一程鄉

南恩州下唐恩州又為齊安郡宋改南恩州元至元十二年置南恩路總管

府十九年降為散州戶一萬九千三百七十三口九萬六千八百六十五領

縣二陽江下陽春下

封州下唐改為臨封郡後復為封州元至元十三年歸附明年廣人叛廣西

宣慰司以兵定之遂隸西道十六年立封州路總管府後又降為散州仍屬

東道戶二千七十七口一萬七百四十二領縣二封州下開建下

新州下唐改爲新昌郡後復爲新州元至元十六年置新州路總管府十九

年降爲散州戶一萬一千三百十六口六萬七千八百九十六領縣一新興

下

桂陽州下本桂陽縣唐宋因之元至元十三年內附十九年升桂陽縣爲散

州割連州陽山縣來屬爲蒙古斛忽都虎郡王分地元隸湖南道宣慰司後

隸廣東道戶六千三百五十六口二萬五千六百五十五領縣一陽山下唐

州宋因之至元十九年割以來屬

連州下唐改連山郡復改連州元至元十三年置安撫司直隸行中書省十

七年廢安撫司升爲連州路總管府隸湖南道宣慰司十九年降爲散州隸

廣東道戶四千一百五十四口七千一百四十一領縣一連山下

循州下唐改爲海豐郡仍改循州宋爲博羅郡元至元十三年立總管府二

十三年降爲散州戶一千六百五十八口八千二百九十領縣三龍川下興



元史卷六十三

明翰林學士亞中大夫知制誥兼修國史宋 濂等修

志第十五

地理六

湖廣等處行中書省為路三十州十三府三安撫司十五軍三屬府三屬州十  
七屬縣一百五十管番民總管一本省陸站一百處  
水站七十三處

江南湖北道肅政廉訪司

武昌路上唐初為鄂州又改江夏郡又陞武昌軍宋為荆湖北路元憲宗末

年世祖南伐自黃州陽羅汛橫橋梁貫鐵鎖至鄂州之白鹿磯大兵畢渡進

薄城下圍之數月既而解去歸即大位至元十一年丞相伯顏從陽羅汛南

渡權州事張晏然以城降自是湖北州郡悉下是年立荆湖等路行中書省

并本道安撫司十三年設錄事司十四年立湖北宣慰司改安撫司為鄂州

路總管府併鄂州行省入潭州行省十八年遷潭州行省於鄂州移宣慰司

于潭州十九年隨省處例罷宣慰司本路隸行省大德五年以鄂州首來歸

附又世祖親征之地改武昌路戶一十一萬四千六百三十二口六十一萬

七千一百一十八至元二十七年抄籍數領司一縣七

錄事司

縣七

江夏中倚郭咸寧下嘉魚下蒲圻中崇陽中通城中武昌下宋陸壽昌軍以其為江西衝要地

也元因之至元十四年陞散府治本縣後革府以縣屬本路戶一萬五千八百五十口六萬四千五百九十八

岳州路上唐巴州又改岳州宋為岳陽軍元至元十二年歸附十三年立岳

州路總管府戶一十三萬七千五百八口七十八萬七千七百四十三領司

一縣三州一

錄事司

縣三

巴陵上倚郭臨湘中華容中



州一

平江州下唐平江縣宋因之元元貞元年陞州

常德路上唐朗州宋常德府元至元十二年置常德府安撫司十四年改爲

總管府戶二十萬六千四百二十五口一百二萬六千四十二領司一縣一

州二州領一縣

錄事司

縣一

武陵上

州二

桃源州中宋置縣元元貞元年陞州

龍陽州下宋辰陽縣元元貞元年陞州領一縣沅江下本屬朗州後來屬

澧州路上唐改澧陽郡復改澧州元至元十二年立安撫司十四年改澧州

路總管府戶一十萬九千九百八十九口一百一十一萬一千五百四十三

元

史 卷六十二 地理志

一一 中華書局聚

領司一縣三州二

錄事司

縣三

澧陽上倚郭石門上安鄉下

州二

慈利州中唐宋皆為縣元元貞元年陞州

柿溪州下

辰州路下唐改唐溪郡復改辰州宋因之元改辰州路戶八萬三千二百二

十三口一十一萬五千九百四十五領縣四沅陵中辰溪下盧溪下敘浦下

沅州路下唐巫州又改沅州又為潭陽郡又改敘州宋為鎮遠州元至元十

二年立沅州安撫司十四年改沅州路總管府戶四萬八千六百三十二口

七萬九千五百四十五領縣三盧陽下黔陽下麻陽下

興國路下本隋永興縣宋置永興軍又改興國軍元至元十四年陞興國路

珍傲宋版印

總管府舊隸江西三十年自江西割隸湖廣戶五萬九百五十二口四十萬  
七千六百一十六領司一縣三

錄事司 至元十七年立

縣三

永興 下倚郭 大冶 下 通山 下

漢陽府唐初為沔州又改沔陽郡宋為漢陽軍咸淳十年郡守孟琦以城來  
歸元至元十四年陞漢陽府戶一萬四千四百八十六口四萬八百六十六  
領縣二漢陽 至元二十二年升中縣 漢川 下

歸州 下 唐初為歸州又改巴東郡又復為歸州宋端平三年元兵至江北遂  
遷郡治于江南曲沱次新灘又次白沙南浦今州治是也德祐初歸附元至  
元十二年立安撫司十四年改歸州路總管府十六年降為州戶七千四百  
九十二口一萬九百六十四領縣三秭歸 下倚郭 巴東 下 興山

靖州路 下 唐為夷播敘二州之境宋為誠州復改靖州元至元十二年立安

撫司明年改靖州路總管府戶二萬六千五百九十四口六萬五千九百五

十五領縣三永平下會同下通道下

湖南道宣慰司

嶺北湖南道肅政廉訪司

天臨路上唐為潭州長沙郡宋為湖南安撫司元至元十三年立安撫司十

四年立行省改潭州路總管府十八年遷行省於鄂州徙湖南道宣慰司治

潭州天曆二年以潛邸所幸改天臨路戶六十萬三千五百一口一百八萬

一千一十領司一縣五州七

錄事司

宋有兵馬司都監領之元至元十四年改置

縣五

長沙

上倚郭

善化

倚郭

衡山

上南嶽衡山在焉

寧鄉

上

安化

下

州七

醴陵州

中

唐宋皆為縣元元貞元年陞州

瀏陽州中 唐宋皆為縣元貞元年陞州

攸州中 唐為縣屬南雲州宋屬潭州元貞元年陞州

湘鄉州下 唐宋皆為縣元貞元年陞州

湘潭州中 唐宋皆為縣元貞元年陞州

益陽州中 唐新康縣宋安化縣元貞元年陞為益陽州

湘陰州下 唐宋皆為縣元貞元年陞州

衡州路上 唐初為衡州又改衡陽郡又仍為衡州宋因之元至元十三年置

安撫司十四年改衡州路總管府十五年置湖南宣慰司以衡州為治所十

八年移司於潭衡州隸焉戶一十一萬三千三百七十三口二十萬七千五

百二十三領司一縣三本路屯田一百二十頃

錄事司宋立兵馬司分在城民戶為五廂元至元十三年改立

縣三

衡陽上倚 安仁下 酃縣下

元

史 卷六十三

地理志

四 中華書局聚

道州路下唐為南營州復改道州復為江華郡宋仍為道州元至元十三年

置安撫司十四年改道州路總管府戶七萬八千一十八口一十萬九百八

十九領司一縣四

錄事司

縣四

營道中倚寧遠中江華中永明下

永州路下唐改零陵郡為永州宋因之元至元十三年置安撫司十四年改

永州路總管府戶五萬五千六百六十六口一十萬五千八百六十四領司

一縣三本路屯田一百三頃

錄事司

縣三

零陵上倚東安上祁陽中

郴州路下唐改桂陽郡為郴州宋因之元至元十三年置安撫司十四年改



郴州路總管府戶六萬一千二百五十九口九萬五千一百一十九領司一

縣六

錄事司舊有兵馬司至元十四年改立

縣六

郴陽中倚郭舊為敦化縣至元十三年改今名宜章中永興中興寧下桂陽下桂東下

全州路下石晉於清湘縣置全州宋因之元至元十三年置安撫司十四年

改全州路總管府戶四萬一千六百四十五口二十四萬五百一十九領司

一縣二

錄事司舊有兵馬司至元十五年改立

縣二

清湘上倚郭灌陽下

寶慶路下唐邵州又為邵陽郡宋仍為邵州又陞寶慶府元至元十二年立

安撫司十四年改寶慶路總管府戶七萬二千三百九口一十二萬六千一

百五領司一縣二

錄事司

縣二

邵陽

上倚郭新化中

武岡路

下

唐武岡縣宋陞為軍元至元十三年置安撫司十四年陞武岡路

總管府戶七萬七千二百七口三十五萬六千八百六十三領司一縣三

本路

屯田八十六頃

錄事司

舊有兵馬司領四廂至元十五年改立

縣三

武岡

上倚郭

新寧

下

綏寧

下

桂陽路

下

唐郴州宋陞桂陽軍元至元十二年置安撫司十四年陞桂陽路

總管府戶六萬五千五十七口一十萬二千二百四領司一縣三

錄事司

縣三

平陽<sub>上</sub> 臨武<sub>中</sub> 藍山<sub>下</sub>

茶陵州<sub>下</sub> 唐為縣隸南雲州宋隸衡州陞為軍復為縣元至元十九年陞為

州戶三萬六千六百四十二口一十七萬七千二百一

耒陽州<sub>下</sub> 唐宋皆為縣隸湘東郡元至元十九年陞為州戶二萬五千三百

一十一口一十一萬一十

常寧州<sub>下</sub> 唐為縣隸衡州宋因之元至元十九年陞為州戶一萬八千四百

三十一口六萬九千四百二

廣西兩江道宣慰使司都元帥府大德二年廣西兩江道宣慰使司都元帥府言比者黃聖許叛亂逃竄交趾遺棄水田

五百四十五頃請募溪洞獠民丁於上浪忠州諸處開屯耕種緩急則令擊賊深為便益從之

嶺南廣西道肅政廉訪司

靜江路<sub>上</sub> 唐初為桂州又改始安郡又改建陵郡又置桂管又陞靜江軍宋

仍為靜江軍元至元十三年立廣西道宣撫司十四年改宣慰司十五年為

靜江路總管府元貞元年併左右兩江宣慰司都元帥府為廣西兩江道宣慰司都元帥府仍分司邕州戶二十一萬八百五十二口一百三十五萬二千六百七十八領司一縣十

錄事司

縣十

臨桂上倚興安下靈川下理定下義寧下修仁下荔浦下陽朔下永福下

古縣下

南寧路下唐初為南晉州又改邕州又為永寧郡元至元十三年立安撫司十六年改為邕州路總管府兼左右兩江溪洞鎮撫泰定元年改為南寧路戶一萬五百四十二口二萬四千五百二十領司一縣二

錄事司

縣二

宣化下武緣下

梧州路下唐改蒼梧郡又仍爲梧州宋因之元至元十四年置安撫司十六年改梧州路總管府戶五千二百口一萬九百一十領縣一蒼梧下

潯州路下唐改潯江郡又仍爲潯州元至元十三年置安撫司十六年改爲

總管府戶九千二百四十八口三萬八千九百二十九領縣二桂平下平南下

柳州路下唐改龍城郡又改柳州元至元十三年置安撫司十六年改柳州

路總管府戶一萬九千一百四十三口三萬六千九百九十四領縣三柳城下郭下倚

馬平下洛容下

慶遠南丹溪洞等處軍民安撫司唐爲龍水郡又改粵州宋爲慶遠府元至元十三年置安撫司十六年改慶遠路總管府大德元年中書省臣言南丹州安撫司及慶遠路相去爲近所隸戶少請省之遂立慶遠南丹溪洞等處軍民安撫司戶二萬六千五百三十七口五萬二千五百五十三領縣五宜山下忻城下天河下思恩下河池下

平樂府唐以平樂縣置樂州復改昭州又爲平樂郡又仍爲昭州宋因之元

改爲平樂府戶七千六十七口三萬三千八百二十領縣四平樂

下倚

恭城

下立山 下龍平

鬱林州

下

唐爲南尹州又改貴州又爲鬱林州宋因之元至元十四年仍行

州事戶九千五十三口五萬一千五百二十八領縣三南流

下興業

博白

下

容州

下

唐改銅州爲容州又改普寧郡又置管內經略使宋爲寧遠軍至元

十三年改安撫司十六年改容州路總管府戶二千九百九十九口七千八

百五十四領縣三普寧

下

北流

下

陸川

下

象州

下

唐改爲象郡又改象州元至元十三年立安撫司十五年改象州路

總管府戶一萬九千五百五十八口九萬二千一百二十六領縣三陽壽

下

來賓

下

武仙

下

賓州

下

唐以嶺方縣地置南方州又爲賓州又改安城郡又改嶺方郡又仍

爲賓州元至元十三年置安撫司十六年改下路總管府戶六千一百四十



八口三萬八千八百七十九領縣三嶺方下倚上林下遷江下

橫州下唐初為簡州又改南簡州又改橫州又為寧浦郡元至元十四年立

安撫司十六年改總管府戶四千九十八口三萬一千四百七十六領縣二

寧浦下倚永淳下

融州下唐初為融州又改融水郡後仍為融州宋為清遠軍元至元十四年

置安撫司十六年改融州路總管府二十二年改散州戶二萬一千三百九

十三口三萬九千三百三十四領縣二融水下懷遠下

藤州下唐改感義郡後仍為藤州宋徙州治於大江西岸元至元十三年仍

行州事戶四千二百九十五口一萬一千二百一十八領縣二鐔津下岑溪下

賀州下唐改臨賀郡後仍為賀州宋因之元至元十三年仍行州事戶八千

六百七十六口三萬九千二百三十五領縣四臨賀下倚富川下桂嶺下懷

集下宋屬廣州至元十五年以隸本州

貴州下唐改懷澤郡後仍為貴州元至元十四年領鬱林縣大德九年省縣

止行州事戶八千八百九十一口二萬八百一十一貴州地接八番與播州相去二百餘里乃湖廣

四川雲南喉衿之地大德六年雲南行省右丞劉深征八百媳婦至貴州科夫致宋隆濟等糾合諸蠻為亂水東水西羅鬼諸蠻皆叛劉深伏誅

左江左江出源州界至合江鎮與右江水合為一流入橫州號鬱江

思明路戶四千二百二十九口一萬八千五百一十

太平路戶五千三百一十九口二萬二千一百八十六

右江右江源出峨利州與大理大槃水通大槃在大理之威楚州

田州路軍民總管府戶二千九百九十一口一萬六千九百一

來安路軍民總管府

鎮安路以上並闕

海北海南道宣慰司

海北海南道肅政廉訪司至元三十年立

雷州路下唐初為南合州又更名東合州又為海康郡又改雷州元至元十

五年平章政事阿里海牙南征海外四州雷州歸附初置安撫司十七年卽

此州爲海北海南道宣慰司治所改安撫司爲總管府隸宣慰司戶八萬九

千五百三十五口一十二萬五千三百一十本路屯田一百六十五頃有奇領縣三海康中

徐聞下遂溪下

化州路下唐置羅州辯州宋廢羅州入辯州復改辯州曰化州元至元十五

年立安撫司十七年改總管府戶一萬九千七百四十九口五萬二千三百

一十七本路屯田五十五頃有奇領縣三石龍下吳川下石城下

高州路下唐爲高涼郡又爲高州宋廢高州入竇州後復置元至元十五年

置安撫司十七年改總管府戶一萬四千六百七十五口四萬三千四百九

十三本路屯田四十五頃領縣三電白下茂名下信宜下

欽州路下唐爲寧越郡又爲欽州宋因之元至元十五年置安撫司十七年

改總管府戶一萬三千五百五十九口六萬一千三百九十三領縣二安遠

下靈山下

廉州路下唐為合浦郡又改廉州元至元十七年設總管府戶五千九百九

十八口一萬一千六百八十六本路屯田四頃有奇領縣二合浦下倚石康下

乾寧軍民安撫司唐以崖州之瓊山置瓊州又為瓊山郡宋為瓊管安撫都

監元至元十五年隸海北海南道宣慰司天曆二年以潛邸所幸改乾寧軍

民安撫司戶七萬五千八百三十七口一十二萬八千一百八十四本路屯田二百

九十餘頃領縣七瓊山下倚澄邁下臨高下文昌下樂會下會同下定安下

南寧軍唐儋州改昌化郡宋改昌化軍又改南寧軍元至元十五年隸海北

海南道宣慰司戶九千六百二十七口二萬三千六百五十二領縣三宜倫

下昌化下感恩下

萬安軍唐萬安州宋更為軍元至元十五年隸海北海南道宣慰司戶五千

三百四十一口八千六百八十六領縣二萬安下倚陵水下

吉陽軍唐振州宋改崖州又為珠崖郡又改吉陽軍元至元收附後隸海北

海南道宣慰司戶一千四百三十九口五千七百三十五領縣一寧遠下八

番順元蠻夷官

至元十六年潭州行省遣兩淮招討司經歷劉繼昌招降西

南寧州安撫使龍延三龍方應天府安撫使程延隨使石武威軍安撫使

洪延暢洪番永威軍安撫使章威方番河中府安撫使石武威軍安撫使

遠大將軍虎符仍以兵三千戍之○是年宣慰使塔海國邊蠻軍安撫使並懷

國已歸附者具以來上洞寨凡六百二十九有六百凡十萬三千一百五

大龍番三百六十寨○二十八萬九千四百八十八番自四川行省人願仍

廣行省三十年四川行省官言思播州元隸四川近改入湖廣今二省人願仍

其舊有旨遣問還云田氏楊氏言昨赴闕廷取道湖

廣甚便况百姓相隣驛傳已立願隸平章答刺罕

羅番邊蠻軍安撫司

程番武勝軍安撫司

金石番太平軍安撫司

臥龍番南寧州安撫司

小龍番靜蠻軍安撫司

大龍番應天府安撫司

木瓜狃猪蠻夷軍民長官

韋番蠻夷長官

洪番永盛軍安撫司

方番河中府安撫司

盧番靜海軍安撫司

盧番蠻夷軍民長官

定遠府

桑州

章龍州

必化州

小羅州

下思同州

朝宗縣

麻峽縣

上橋縣

甕蓬縣

新安縣

小羅縣



章龍縣

烏山縣

華山縣

都雲縣

羅博縣

管番民總管

小程番

以下各設蠻軍民長官

中槽百納等處

底窩紫江等處

甕眼納八等處

獨塔等處

客當刻地等處

天臺等處

梯下

党兀等處

勇都朱砂古坂等處

大小化等處

洛甲洛屯等處

低當低界等處

獨石寨

百眼佐等處

羅來州

那歷州

重州

阿孟州

上龍州

峽江州

羅賴州

桑州

白州

北島州

羅那州

龍里等寨

六寨等處

帖犵狫等處

本當三寨等處

山齋等處

羨塘帶夾等處

都雲桑林獨立等處

六洞柔遠等處

竹古弄等處

中都雲棺水等處

金竹府

古坭縣

都雲軍民府

萬平等處

南寧

丹竹等處

陳蒙

李稍李殿等處

陽安等處

八千蠻

恭焦溪等處

都鎮

平溪等處

平月

李崖等處

陽並等處

盧山等處

乖西軍民府

皇慶元年立以土官  
阿馬知府事佩金符

順元等路軍民安撫司

至元二十年四川行省討平九溪十八洞以其酋長  
赴闕定其地之可以設官者與其人入官者

大處為州小處為縣并立總  
管府聽順元路宣慰司節制

雍真乖西葛蠻等處

葛蠻雍真等處

曾竹等處

大德七年順元同知宣撫事阿重嘗為曾竹蠻夷長官以其叔  
父宋隆濟結諸蠻為亂棄家朝京師陳其事宜深入為撒烏蒙

至于水東招諭木樓  
苗佬生獲隆濟以獻

龍平寨

骨龍等處

底寨等處

茶山百納等處

納壩紫江等處

磨坡雷波等處

漕泥等處

青山遠地等處

木窩普冲普得等處

武當等處

骨龍龍里清江

水樓  
眼等處

落邦札佐等處

六廣等處

施溪樣頭

水東

思州軍民安撫司

婺川縣

鎮遠府

古州八萬洞

野雞平

思印江等處

曉愛瀘洞赤溪等處

黃道溪

養龍坑宿徵等處

高橋青塘鴨水等處

平遲安德等處

貴州等處

采泥等處

市北洞

楠木洞

偏橋中寨

德勝寨偏橋四甲等處

石千等處

卑帶洞大小田等處

省溪壩場等處

金容金遠等處

臺蓬若洞住溪等處

洪安等處

葛章葛商等處

平頭著可通達等處

溶江芝子平等處

亮寨

沿河

龍泉平

思州舊治龍泉及火其城即移治清江至元十七年勅徙安撫司還舊治

祐溪

水特姜

楊溪公俄等處

麻勇洞

恩勒洞

大萬山蘇葛辦等處

五寨銅人等處

銅人大小江等處

德明洞

烏羅龍干等處

西山大洞等處

禿羅

浦口

高丹

福州

永州

迺州

鑾州

程州

三旺州

地州

忠州

天州

文州

合鳳州

芝山州

安習州

茆藪等團

荔枝

安化上中下蠻

曹滴等洞

洛卜寨

麥着土村

衙迪洞

會溪施容等處

感化州等處

契鋤洞

臘惹洞

勞岩洞

驢遲洞

來化州

客團等處



中古州樂墩洞

上里坪

洪州泊李等洞

張家洞

沿邊溪洞宣慰使司

至元二十八年播州楊賽因不花言洞民近因籍戶懷疑竄匿乞降詔招集又言向所授安撫職任隸順元懷

慰司其所管地於四川行省為近乞改為軍民宣撫司直隸四川行省從之  
以播州等處管軍萬戶楊漢英為紹慶珍州南平等處沿邊宣慰使行播州  
軍民宣撫使播州等處管軍萬戶仍虎符漢英即賽因不花也仍頒所請詔  
旨詔曰爰自前宋歸附十五餘年閱實戶數乃有司當知之事諸郡皆然非  
獨爾播自今以往咸奠厥居流移失所者招  
諭復業有司常加存恤毋致煩擾重困吾民

播州軍民安撫司

黃平府

平溪上塘羅駱家等處

水軍等處

石粉羅家永安等處

六洞柔遠等處

錫樂平等處

白泥等處

南平綦江等處

珍州思寧等處

水煙等處

溱洞涪洞等處

洞天觀等處

葛浪洞等處

賽壩埡黎焦溪等處

小姑單張

倒柞等處

烏江等處

舊州草堂等處

恭溪香洞

水囤等處

平伐月石等處

下壩

寨章

橫坡

平地寨

寨勞

寨勇

上塘

寨坦

岑奔

平莫

林種密秀

沿河祐溪等處

新添葛蠻安撫司

大德元年授葛蠻安撫驛券一

南渭州

落葛谷鵝羅椿等處

昔不梁駱杯密約等處

乾溪吳地等處

噉聳古平等處

甕城都桑等處

都鎮馬乃等處

平普樂重塿等處

落同當等處

平族等處

獨祿

三陂地蓬等處

小葛龍洛邦到駱豆虎等處

羅月和

麥傲

大小田陂帶等處

都雲洞

洪安畫劑等處

谷霞寨

刺客寨

吾狂寨

割利寨

必郎寨

谷底寨

都谷郎寨

狍猪寨

平伐等處

大德元年平伐酋領內附乞隸於亦奚不薛從之

安刺速

思樓寨

落暮寨

梅求望懷寨

甘長

桑州郎寨

永縣寨

平里縣寨

鎖州寨

雙隆

思母

歸仁

各丹

木當

雍郎客都等處

雍門狍狍等處

栖求等處仲家蠻

婁木等處

樂賴蒙囊吉利等處

華山谷津等處

青塘望懷甘長不列獨娘等處

光州

者者寨

安化思雲等洞

北遐洞

茅難思風北郡都變等處

必際縣

上黎平

潘樂盈等處

誠州富盈等處

赤畚洞

羅章特團等處

福水州

九州等處

欽村

硬頭三寨等處

顏村

水歷吾洞等處

順東

六龍圖

推寨

橘叩寨

黃頂寨

金竹等寨

格慢等寨

客蘆寨

地省等寨

平魏

白崖

雍門客當樂賴蒙囊大化木瓜等處

嘉州

分州

平硃

洛河洛腦等處

寧溪

甕除

麥穰

孤頂得同等處

甕包

三陂

控州

南平

獨山州

木洞

瓢洞

窖洞

大青山骨記等處

百佐等處

九十九寨蠻

當橋山齊朱谷列等處

虎列谷當等處

真滁杜珂等處

楊坪楊安等處

棣甫都城等處

楊友闡

百也客等處

阿落傳等寨

蒙楚



公洞龍木

三寨猫犄刺等處

黑土石

洛賓洛咸

益輪沿邊蠻

割和寨

王都谷浪寨

王大寨

只蛙寨

黃平下寨

林拱章秀拱江等處

密秀丹張

林種拱幫

西羅剖盆

杉木箐

各郎西

恭溪望成崖嶺等處

孤把

焦溪篤住等處

草堂等處

上桑直

下桑直

米坪

令其平尾等處

保靖州

特團等處

相 征東等處行中書省領府二司一勸課使五大德三年立征東行省未幾罷至治元年復立今高麗國王為左丞

高麗國事蹟見高麗傳至元十八年王暎言本國置站凡四十民畜凋弊勅併為二十站三十年沿海立水驛自耽羅至鴨綠江并楊村海口凡

三十所

瀋陽等路高麗軍民總管府

征東招討司

各道勸課使

慶尙州道

東界交州道

全羅州道

忠清州道

西海道

耽羅軍民總管府大德五年立

河源附錄

河源古無所見禹貢導河止自積石漢使張騫持節道西域度玉門見二水交流發葱嶺趨于闐匯鹽澤伏流千里至積石而再出唐薛元鼎使吐蕃訪河源得之於悶磨黎山然皆歷歲月涉艱難而其所不得不過如此世之論河源者又皆推本二家其說怪迂總其實皆非本真意者漢唐之時外夷未盡臣服而道未盡通故其所往每迂迴艱阻不能直抵其處而究其極也元有天下薄海內外人迹所及皆置驛傳使驛往來如行國中至元十七年命都實爲招討使佩金虎符往求河源都實旣受命是歲至河州之東六十里有寧河驛驛西南六十里有山曰殺馬關林麓穹隘舉足寢高行一日至巔西去愈高四閱月始抵河源是冬還報并圖其城傳位置以聞其後翰林學士潘昂霄從都實之弟闊闊出得其說撰爲河源志臨川朱思本又從八里吉思家得帝師所藏梵字圖書而以華文譯之與昂霄所志互有詳略今取二家之書考定其說有不同者附注于下按河源在土蕃朵甘思西鄙有泉百餘泓沮洳散渙弗可逼視方

可七八十里履高山下瞰燦若列星以故名火敦腦兒火敦譯言星宿也思本

源在中州西南直四川馬湖蠻部之正西三千餘里雲南麗江宣撫司之西北

一千五百餘里帝師撒思加地之西南二千餘里水從地涌出如井其井百餘

東北流百餘里匯為羣流奔轆近五七里匯二巨澤名阿刺腦兒自西而東連

屬吞噬行一日迤邐東驚成川號赤賓河又二三日水西南來名亦里出與赤

賓河合又三四日水南來名忽闌又水東南來名也里朮合流入赤賓其流寢

大始名黃河然水猶清人可涉思本曰忽闌河源出自南山其地大山峻嶺綿

源亦出自南山西北流又一二日歧為八九股名也孫幹論譯言九渡通廣五

七里可度馬又四五日水渾濁土人抱革囊騎過之聚落糾木幹象舟傳鬣草

以濟僅容兩人自是兩山峽束廣可一里二里或半里其深叵測采甘思東北

有大雪山名亦耳麻不莫刺其山最高譯言騰乞里塔即崑崙也山腹至頂皆

雪冬夏不消土人言遠年成冰時六月見之自八九股水至崑崙行二十日思本

曰自渾水東北流二百餘里與懷里火禿河合懷里火禿河源自南山水正北

偏西流八百餘里與黃河合又東北流一百餘里過麻哈地又正北流一百

餘里乃折而西北流二百餘里又折而正北流一百餘里又折而東流過崑崙

山下番名亦耳麻不刺其山高峻非常山麓綿亘五百餘里河隨山足東流過

撒思加闊 即闊提地 河行崑崙南半日又四五日至地名闊即及闊提二地相屬又三日

地名哈刺別里赤兒四達之衝也多寇盜有官兵鎮之近北二曰河水過之思本

曰河過闊提與亦西八思今河合亦西八思今河源 崑崙以西人簡少多處山

自鐵豹嶺之北正北流凡五百餘里而與黃河合 崑崙以西人簡少多處山

南山皆不穹峻水亦散漫獸有髦牛野馬狼狽獐羊之類其東山益高地益漸

下岸狹隘有狐可一躍而越之處行五六日有水西南來名納隣哈刺譯言細

黃河也思本曰哈刺河自白狗嶺之北又兩日水南來名乞兒馬出二水合流

入河思本曰自哈刺河與黃河合正北流二百餘里過阿以伯站折而西北流

北岷山之北水北流即古當州境正北流四 河水北行轉西流過崑崙北一向

百餘里折而西北流又五百餘里與黃河合 東北流約行半月至貴德州地名必赤里始有州治官府州隸吐蕃等處宣慰

司司治河州又四五日至積石州即禹貢積石五日至河州安鄉關一日至打

羅坑東北行一日洮河水南來入河思本曰自乞里馬出河與黃河合又西北

北水正西流七百餘里過札塞塔失地與黃河合折而西北流三百餘里又折

而東北流過西寧州貴德州馬嶺凡八百餘里與魏水合魏水源自青唐宿軍

谷正東流五百餘里過二巴站與黃河合又東北流過土橋站古積石州來羌

城廓州構米站界都城凡五百餘里過河州與野龐河合野龐河源自西傾山

元 史 卷六十二 地理志 十九 中華書局聚

之北水東北流凡五百餘里與黃河合又東北流一千餘里過踏白城銀川站  
與湟水浩疊河合湟水源自祁連山下正東流一千餘里注浩疊河浩疊河源  
自刪丹州之南刪丹山下水東南流七百餘里注湟水然後與黃河合又東北  
流一百餘里與洮河合洮河源自羊撒嶺北東北流過臨洮府凡八百餘里與  
黃河合又一日至蘭州過北卜渡至鳴沙河過應吉里州正東行至寧夏府南東

行即東勝州隸大同路自發源至漢地南北澗溪細流傍貫莫知紀極山皆草

石至積石方林木暢茂世言河九折彼地有二折蓋乞兒馬出及貴德必赤里

也折而本曰自洮水與河合又東北流過達達地凡八百餘里過豐州西受降城

南流過大同路雲內州東勝州與黑河合黑河源自漁陽嶺之南水正西流凡

五百餘里與黃河合又正南流過保德州及興州境又過臨州凡一千餘

里與吃那河合吃那河源自古宥州東南流通陝西省綏德州凡七百餘里與

黃河合又南流三百里與延安河合源自陝西子關亂山中南流三

河源自河東朔州折而正東流三百里與黃河合又南流汾州與晉寧路絳

州又西流至龍門凡一千二百餘里始與黃河合又南流二百里過河中府遇

潼關與太華大山綿亘水勢不可復南乃折而東流大慨河源東北流所歷皆

西北地附錄  
百餘里始入河東境內又南流至河中凡一千八百餘里過通計九千餘里

篤來帖木兒



途魯吉

柯耳魯地

畏兀兒地 至元二十年立畏兀兒四處站及交鈔庫

哥疾寧

可不里

巴達哈傷

途思

忒耳迷

不花刺

那黑沙不

的里安

撒麻耳干

忽氈

麻耳亦囊

可失哈耳

忽炭

柯提

兀提刺耳

巴補

訛跡邗

倭赤

若叉

柯散

阿忒八失

八里茫

察赤

也云赤

亦刺八里

普刺

也迷失

阿力麻里

諸王海都行營于阿力麻里等處蓋其分地也自上都西北行六千里至回鶻五城唐號北庭置都護府又西北行四五百里至阿

力麻里至元五年海都叛舉兵南來世祖逆敗之于北庭又追至阿力麻里以鎮之則又遠遁二千餘里上令勿追以皇子北平王統諸軍于阿力麻里

命丞相安童往輔之

合刺火者

魯古塵

別失八里至元十五年授八撒察里虎符掌別失八里畏兀城子里軍站事

大和嶺至別失八里置新站三十二年立別失八里和州等處宣慰司二

十一年阿只吉使來言元隸只必帖木兒二十四城之中有察帶二城置達

魯花赤就付闕端遂不隸省至是奉旨誠如所言其還正之二十三

他古新

仰吉八里

古塔巴

年遣侍衛新附兵千人屯田別失八里置元帥府即其地以總之

月祖伯

撒耳桐思

阿蘭阿思

欽察太宗甲午年命諸王拔都征西域欽義阿速長八赤蠻逃避海島中適值

大風吹海水去而乾生禽八赤蠻遂與諸王拔都征八赤蠻至也列贊城七日

破之歲丁巳出師南征以駙馬刺真之子乞反為達魯花赤鎮守幹羅思

歲癸丑括幹羅思阿思戶口

阿羅思

不里阿耳

撒吉刺

花刺子模

賽蘭

巴耳赤邦

氈的

不賽因

八哈刺因

怯失

八吉打

孫丹尼牙

忽里模子

元

史

卷六十三

地理志

三 中華書局聚

可咱隆

設刺子

泄刺失

苦法

瓦夕的

兀乞八刺

毛夕里

設里汪

羅耳

乞里茫沙杭

蘭巴撒耳

那哈完的

亦思法杭

撒瓦

柯傷

低廉

胡瓦耳

西模娘

阿刺模忒

可疾云

阿模里

撒里牙

塔米設

贊章

阿八哈耳

撒里茫

朱里章

的希思丹

巴耳打阿

打耳班

巴某

塔八辛

不思忒

法因

乃沙不耳

撒刺哈友

巴瓦兒的

麻里兀

塔里干

巴里黑

吉利吉思撼合納謙州益蘭州等處

之吉利吉思者初以漢地其女四去大與萬

半之餘里相傳乃滿部始居此及元朝析其民為九千戶其境長一千里廣

於謙而注於昂可知刺河北入于海俗與諸國異其語言則畏吾兒同廬帳而居

隨水草畜牧頗知田作雪則跨木馬逐獵土產名馬白黑青昂刺者

因水為名短日沒時炙羊肋熟東方已曙矣即唐史所載骨利汗國也為斯亦因

畫長夜為名在利吉思東謙河之北其俗每歲六月旬納猶言布囊也蓋口小腹

水鳥斯沐連以祭神謂其始祖所從出故也合納猶言布囊也蓋口小腹

就烏斯沐連以祭神謂其始祖所從出故也合納猶言布囊也蓋口小腹

巨地類此因險阻為甚野獸多而畜字少貧民無恆產者皆以樺皮作廬帳

以白鹿負其行裝取鹿乳採松實及斷山芍藥等根為食冬月亦乘木馬出

獵謙州亦以河為名去大都九千里在吉利吉思東南謙河西唐麓嶺之北

居民數千家悉蒙古回紇人有用工匠數局蓋國初徙漢人也沃衍宜稼夏

種秋成不煩耘或云汪罕始居此地益蘭者蛇之稱也初州境山中居人見

禮為巨蛇長數十步從穴中出飲河水腥聞數里因於此州至元七年置傳舍劉好

珍做宋版印



安南郡縣附錄

安南古交趾也陳氏叛服之蹟已見本傳今取其城邑之可紀者錄于左方  
大羅城路漢交趾郡唐置安南都護府宋時郡人李公蘊立國於此及陳氏立  
以其屬地置龍興天長長安府

龍興府本多岡鄉陳氏有國置龍興府

天長府本多墨鄉陳氏祖父所生之地建行宮於此歲一至示不忘本故改曰  
天長

長安府本華閩洞丁部領所生之地五代末部領立國於此

歸化江路地接雲南

宣化江路地接特磨道

沱江路地接金齒

諒州江路地接左右兩江

北江路在羅城東岸瀘江水分入北江江有六橋

如月江路

南冊江路

大黃江路

烘路

快路

國威州在羅城南

此以下州多接雲南廣西界雖名州其實洞也

古州在北江

仙州古龍編

富良

司農

定邊

萬涯

文周

一云楊舍

一云明媚

一云明黃

一云門州

七源

思浪

大原

一云黃源

通農

羅順

一云來神

梁舍

一云梁介

平原

光州

一云明蘇

渭龍

一云乙舍

道黃

即平林場

武寧

此以下縣接雲南廣西界雖名縣其實洞也

萬載

丘温

新立

恍縣

紙縣

歷縣

蘭橋

烏延

古勇

供縣

窟縣

上坡

門縣

清化府路漢九真隋唐為愛州其屬邑更號曰江曰場曰甲曰社

梁江

波龍江

古農江

宋舍江

茶江

安暹江

分場古文場

古藤甲

支明甲

古弘甲

古戰甲

緣甲

又安府路漢日南隋唐為驩州

倍江

惡江

偈江

尚路社

唐舍社

張舍社

濱州路本日南屬縣曰扶演安仁唐改濱州

孝江

多壁場

巨賴社

他袁社

布政府路本日南郡象林縣東濱海西際真蠟南接扶南北連九德東漢末區

連殺象林令自立國稱林邑唐時有環王者徙國于古曰古城今布政乃林邑

故地

自安南大羅城至燕京約一百一十五驛計七千七百餘里

邊氓服役

古城

王琴

蒲伽

道覽

淥淮

稔婆邏

獠

元史卷六十三





元史卷六十四

明翰林學士亞中大夫知制誥兼修國史宋 濂等修

志第十六

河渠一

水爲中國患尙矣知其所以爲患則知其所以爲利因其患之不可測而能先  
事而爲之備或後事而有其功斯可謂善治水而能通其利者也昔者禹堙洪  
水疏九河陂九澤以開萬世之利而周禮地官之屬所載潞防溝遂之法甚詳  
當是之時天下蓋無適而非水利也自先王疆理井田之制壞而後水利之說  
興魏史起鑿漳河秦鄭國引涇水漢鄭當時王安世輩或獻議穿漕渠或建策  
防水決是數君子者皆嘗試其術而卒有成功太史公河渠一書猶可考自時  
厥後凡好事喜功之徒率多爲興利之言而其患顧有不可勝言者矣夫潤下  
水之性也而欲爲之防以殺其怒遏其衝不亦甚難矣哉惟能因其勢而導之  
可蓄則儲水以備旱暵之災可洩則瀉水以防水潦之溢則水之患息而於是

蓋有無窮之利焉元有天下內立都水監外設各處河渠司以興舉水利修理河隄爲務決雙塔白浮諸水爲通惠河以濟漕運而京師無轉餉之勞導渾河疏灤水而武清平灤無墊溺之虞浚冶河障漳沱而真定免決壻之患開會通河於臨清以通南北之貨疏陝西之三白以溉關中之田泄江湖之淫潦立捍海之橫塘而浙右之民得免於水患當時之善言水利如太史郭守敬等蓋亦未嘗無其人焉一代之事功所以爲不可泯也今故著其開修之歲月工役之次第歷敘其事而分紀之作河渠志

通惠河

通惠河其源出於白浮甕山諸泉水也世祖至元二十八年都水監郭守敬奉詔興舉水利因建言疏鑿通州至都河改引渾水溉田於舊牖河蹤跡導清水上自昌平縣白浮村引神山泉西折南轉過雙塔榆河一畝玉泉諸水至西門入都城南匯爲積水潭東南出文明門東至通州高麗莊入白河總長一百六十四里一百四步塞清水口一十二處共長三百一十步壩牖一十處共二十

座節水以通漕運誠爲便益從之首事於至元二十九年之春告成於三十年之秋賜名曰通惠凡役軍一萬九千一百二十九工匠五百四十二水手三百一十九沒官囚隸百七十二計二百八十五萬工用楮幣百五十二萬錠糧三萬八千七百石木石等物稱是役興之日命丞相以下皆親操畚鍤爲之倡置插之處往往於地中得舊時磚木時人爲之感服船旣通行公私兩便先時通州至大都五十里陸輓官糧歲若干萬民不勝其悴至是皆罷之其壩插之名曰廣源插西城插二上插在和義門外西北一里下插在和義水門西三步海子插在都城內文明插二上插在麗正門外水門東南下插在文明門西南一里魏村插二上插在文明門東南一里下插西至上閘一里籍東插二在都城東南王家莊郊亭插二在都城東南二十五里銀王莊通州插二上插在通州西門外下插在通州南門外楊尹插二在都城東南三十里朝宗插二上插在萬億庫南百步下插去上插百步成宗元貞元年四月中書省臣言新開運河插宜用軍一千五百以守護兼巡防往來船內姦宄之人從之七月工部言通

惠河剋造插壩所費不貲雖已成功全藉主守之人上下照略修治今擬設提領三員管領人夫專一巡護降印給俸其西城插改名會川海子插改名澄清文明插仍用舊名魏村插改名惠和籍東插改名慶豐郊亭插改名平津通州插改名通流河門插改名廣利楊尹插改名溥濟武宗至大四年六月省臣言通州至大都運糧河插始務速成故皆用木歲久木朽一旦俱敗然後致力將見不勝其勞今爲永固計宜用磚石以次修治從之後至泰定四年始修完焉文宗天曆三年三月中書省臣言世祖時開挑通惠河安置閘座全藉上源白浮一畝等泉之水以通漕運今各枝及諸寺觀權勢私決隄堰澆灌稻田水碾園圃致河淺妨漕事乞禁之奉旨白浮甕山直抵大都運糧河隄堰泉水諸人毋挾勢偷決大司農司都水監可嚴禁之

### 壩河

壩河亦名阜通七壩成宗大德六年三月京畿漕運司言歲漕米百萬全藉船壩夫力自冰開發運至河凍時止計二百四十日日運糧四千六百餘石所轄

船夫一千三百餘人壩夫七百三十占役俱盡晝夜不息今歲水漲衝決壩隄六十餘處雖已修畢恐霖雨衝圯走泄運水以此點視河隄淺澀低薄去處請加修理自五月四日入役六月十二日畢深溝壩九處計一萬五千一百五十三工王村壩二處計七百十三工鄭村壩一處計一千一百二十五工西陽壩三處計一千二百六十二工郭村壩三處計一千九百八十七工千斯壩下一處計一萬工總用工三萬二百四十

### 金水河

金水河其源出於宛平縣玉泉山流至義和門南水門入京城故得金水之名至元二十九年二月中書右丞馬速忽等言金水河所經運石大河及高良河西河俱有跨河跳槽今已損壞請新之是年六月興工明年二月工畢至大四年七月奉旨引金水河水注之光天殿西花園石山前舊池置牖四以節水閏七月興工九月成凡役夫匠二十九爲工二千七百二十三除妨工實役六十五日

隆福宮前河

隆福宮前河其水與太液池通英宗至治二年五月奉勅云昔在世祖時金水河濯手有禁今則洗馬者有之比至秋疏滌禁諸人毋得污穢於是會計修浚三年四月興工五月工畢凡役軍八百爲工五千六百三十五

海子岸

海子岸上接龍玉堂以石甃其四周海子一名積水潭聚西北諸泉之水流入都城而匯于此汪洋如海都人因名焉仁宗延祐六年二月都水監計會前後與元修舊石岸相接凡用石三百五各長四尺闊二尺五寸厚一尺石灰三千斤該三百五工丁夫五十石工十九月五日興工十一日工畢至治三年三月大都河道提舉司言海子南岸東西道路當兩城要衝金水河浸潤於其上海子風浪衝嚙於其下且道狹不時潰陷泥濘車馬艱於往來如以石砌之實永久之計也泰定元年四月工部應副工物七月興工八月工畢凡用夫匠二百八十七人



雙塔河

雙塔河源出昌平縣孟村一畝泉經雙塔店而東至豐善村入榆河至元三年四月六日巡河官言雙塔河時將泛溢不早爲備恐至潰決臨期卒難措手乃計會閉水口工物開申都水監勅開雙塔河未及堅久今已及水漲之時倘或決壞走泄水勢悞運船不便省準制國用司給所需都水監差夫修治焉凡合閉水口五處用工二千一百五十五

盧溝河

盧溝河其源出於代地名曰小黃河以流濁故也自奉聖州界流入宛平縣境至都城四十里東麻谷分爲二派太宗七年歲乙未八月勅近劉沖祿言率水工二百餘人已依期築閉盧溝河元破牙梳口若不修隄固護恐不時漲水衝壞或貪利之人盜決漑灌請令禁之劉沖祿可就主領毋致衝塌盜決犯者以違制論徒二年決杖七十如遇修築時所用丁夫器具應差處調發之其舊有水手人夫內五十人差官存留不妨已委管領常切巡視體究歲一交番所司

有不應副者罪之

### 白浮甕山

白浮甕山卽通惠河上源之所出也白浮泉水在昌平縣界西折而南經甕山泊自西水門入都城焉成宗大德七年六月甕山等處看牘提領言自閏五月二十九日始晝夜雨不止六月九日夜半山水暴漲漫流隄上衝決水口於是都水監委官督軍夫自九月二十一日入役至是月終輟工實役軍夫九百九十三人十一年三月都水監言巡視白浮甕山河隄崩三十餘里宜編荆笆爲水口以泄水勢計修笆口十一處四月興工十月工畢仁宗皇慶元年正月都水監言白浮甕山隄多低薄崩陷處宜修治來春二月入役八月修完總修長三十七里二百十五步計七萬三千七百七十三工延祐元年四月都水監言自白浮甕山下至廣源牘隄隈多淤澱淺塞源泉微細不能通流擬疏滌由是會計工程差軍千人疏治泰定四年八月都水監言八月三日至六日霖雨不止山水泛溢衝壞甕山諸處笆口浸沒民田計料工物移文工部關支修治自

八月二十六日興工九月十二日工畢役軍夫二千名實役九萬工四十五日

### 渾河

渾河本盧溝水從大興縣流至東安州武清縣入灤州界至大二年十月渾河水決左都威衛營西大隄泛溢南流沒左右二翊及後衛屯田麥由是左都威衛言十月五日水決武清縣王甫村隄闊五十餘步深五尺許水西南漫平地流環圓營倉局水不沒者無幾恐來春冰消夏雨水作衝決成渠軍民被害或遷置營司或多差軍民修塞庶免墊溺三年二月十二日省準下左右翊及後衛大都路委官督工修治至五月二十日工畢皇慶元年二月十七日東安州言渾河水溢決黃塌隄一十七所都水監計工物移文工部二十七日樞密知院塔失帖木兒奏左衛言渾河決隄口二處屯田浸不耕種已發軍五百修治臣等議治水有司職耳宜令中書戒所屬用心修治從之七月省委工部員外郎張彬言巡視渾河六月三十日霖雨水漲及丈餘決隄口二百餘步漂民廬沒禾稼乞委官修治發民丁刈雜草興築延祐元年六月十七日左衛言六月

十四日渾河決武清縣劉家莊隄口差軍七百與東安州民夫協力同修之三年三月省議渾河決隄隄沒田禾軍民蒙害既已奏聞差官相視上自石徑山金口下至武清縣界舊隄長計三百四十八里中間因舊修築者大小四十七處漲水所害合修補者一十九處無隄剏修者八處宜疏通者二處計工三十八萬一百役軍夫三萬五千九十六日可畢如通築則役大難成就令分作三年爲之省院差官先發軍民夫匠萬人興工以修其要處是月二十日樞府奏撥軍三千委中衛僉事督修治之七年五月營田提舉司言去歲十二月二十一日屯戶巡視廣賦屯北渾河隄二百餘步將崩恐春首土解水漲浸沒爲患乞修治都水監委濠寨會營田提舉司官武清縣官督夫修完廣武屯北陷薄隄一處計二千五百工永興屯北隄低薄一處計四千一百六十六工落垞村西衝圯一處計三千七百三十三工永興屯北崩圯一處計六千五百十八工北王村莊西河東岸至白墳兒南至韓村西道口計六千九十三工劉邢莊西河東岸北至寶僧百戶屯南至白墳兒計三萬七百十二工總用工五萬三千

七百二十二泰定四年四月省議三年六月內霖雨山水暴漲泛沒大興縣諸鄉桑棗田園移文樞府於七衛屯田及見有軍內差三千人修治

### 白河

白河在灤州東四里北出通州潞縣南入于通州境又東南至香河縣界又流入于武清縣境達于靜海縣界至元三十年九月漕司言通州運糧河全仰白榆渾三河之水合流名曰潞河舟楫之行有年矣今歲新開插河分引渾榆二河上源之水故自李二寺至通州三十餘里河道淺澀今春夏天旱有止深二尺處糧船不通改用小料船搬載淹延歲月致虧糧數先是都水監相視白河自東岸吳家莊前就大河西南斜開小河二里許引榆河合流至深溝壩下以通漕舟今丈量自深溝榆河上灣至吳家莊龍王廟前白河西南至壩河入百步及巡視知榆河上源築閉其水盡趨通惠河止有白佛靈溝一子母三小河水入榆河泉脈微不能勝舟擬自吳家莊就龍王廟前閉白河於西南開小渠引水自壩河上灣入榆河庶可漕運又深溝樂歲五倉積貯新舊糧七十餘萬

石站車輓運艱緩由是訪視通州城北通惠河積水至深溝村西水渠去樂歲  
廣儲等倉甚近擬自積水處由舊渠北開四百步至樂歲倉西北以小料船運  
載甚便都省准焉通惠河自通州城北至樂歲西北水陸共長五百步計役入  
萬六百五十工大德二年五月中書省劄付都水監運糧河隄自楊村至河西  
務三十五處用葦一萬九千一百四十束軍夫二千六百四十九名度三十日  
畢於是本監分官率濠寨至楊村歷視壞隄督巡河夫修理以霖雨水溢故工  
役倍元料自寺洵口北至蔡村清口孫家務辛莊河西務隄就用元料葦草修  
補卑薄剝築月隄頗有成功其楊村兩岸相對出水河口四處葦草不敷就令  
軍夫採刈至九月住役楊村河上接通惠諸河下通潯沱入江淮使官民舟楫  
直達都邑利國便民柰楊村隄岸隨修隨圯蓋爲用力不固徒煩工役其未修  
者候來春水涸土乾調軍夫修治延祐六年十月省臣言漕運糧儲及南來諸  
物商賈舟楫皆由直沽達通惠河今岸崩泥淺不早疏浚有礙舟行必致物價  
翔湧都水監職專水利宜分官一員以時巡視遇有頽圯淺澀隨宜修築如功



力不敷有司差夫助役怠事者究治從之至治元年正月十一日漕司言夏運海糧一百八十九萬餘石轉漕往返全藉河道通便今小直沽汊河口潮汐往來淤泥壅積七十餘處漕運不能通行宜移文都水監疏滌工部議時農作方興兼民多艱食若不差軍助役民力有所不逮樞密院言軍人不敷省議若差民丁方今東作之時恐妨歲事其令大都募民夫三千日給傭鈔一兩糙粳米一升委正官提調驗日支給令都水監暨漕司官同督其事四月十一日入役五月十日工畢泰定元年二月樞府臣奏臨清萬戶府言至治元年霖雨決壞運糧河岸宜差軍修築臣等議誠利益事令本府差軍三百執役從之三年三月都水監言河西務菜市灣水勢衝嚙與倉相近將來爲患宜於劉二總管營相對河東岸截河築隄改水道與舊河合可杜後患四年正月省臣奏准樞府差軍五千大都路募夫五千人日支糙米五升中統鈔一兩本監工部委官與前衛董指揮同監役是年三月十八日興工六月十一日工畢致和元年六月六日臨清御河萬戶府言泰定四年八月二日河溢壞營北門隄約五十步漂

舊椿木百餘崩圯猶未已工部議河岸崩摧理宜修治既都水監會計工物各處支給其役夫三千人若擬差民方春恐妨農務宜移文樞密院撥軍省准修舊隄岸展闊新河口東岸計工五萬九千九百三十七用軍三千木匠十人天曆二年三月漕司言元開劉二總管營相對河北舊河運糧迂遠乞委官相視復開舊河便四月九日奏准差軍七千委兵部員外郎鄧衡都水監丞阿里漕使太不花等督工修浚後以冬寒候凍解興役三年工部移文大都於近甸募民夫三千日支糙粳米三升中統鈔一兩兵部改委辛侍郎暨元委官修闢至順元年六月都水監言二十三日夜白河水驟漲丈餘觀音寺新修護倉隄已督有司差夫救護今水落尺餘宜候伏槽興作

御河

御河自大名路魏縣界經元城縣泉源鄉于村度南北約十里東北流至包家渡下接管陶縣界三口御河上從交河縣下入清池縣界又永濟河在清池縣西三十里自南皮縣來入清州今呼爲御河也至元三年七月六日都水監言

運河二千餘里漕公私物貨爲利甚大自兵興以來失於修治清州之南景州以北頽闕岸口三十餘處淤塞河流十五里至癸巳年朝廷役夫四千修築浚滌乃復行舟今又三十餘年無官主領滄州地分水面高於平地全藉隄隄防護其園圃之家掘隄作井深至丈餘或二丈引水以溉蔬花復有瀕河人民就隄取土漸至闕破走洩水勢不惟澀行舟妨運糧或致漂民居沒禾稼其長蘆以北索家馬頭之南水內暗藏椿樑破舟船壞糧物部議以濱河州縣佐貳之官兼河防事於各地分巡視如有闕破卽率衆修治拔去椿樑仍禁園圃之家毋穿隄作井栽樹取土都省准議七年省臣言御河水泛武清縣計疏浚役夫一十工八十日可畢從之至大元年六月二十九日左翼屯田萬戶府呈五月十八日申時水決會川縣孫家口岸約二十餘步南流灌本管屯田已移文河間路武清縣清州有司多發丁夫管領修治由是樞密院檄河間路左翊屯田萬戶府差軍併工築塞十月大名路濬州言七月十一日連雨至十七日清石二河水溢李家道東南橫流詢社長高良輩稱水源自衛輝路汲縣東北連本

州淇門西舊黑蕩泊溢流出岸漫黃河古隄東北流入本州齊賈泊復入御河  
漂及門民舍竊計今歲水勢逆行乃下流漳水漲溢遏絕不能通以致若此實  
非人力可勝又西關水手佐聚稱七月十二日卯時御河水驟漲三尺十八日  
復添四尺其水逆流明是下流漲水壅逆擬差官巡治延祐三年七月滄州言  
清池縣民告往年景州吳縣諸處御河水溢衝決隄岸萬戶千奴爲恐傷淇屯  
田差軍築塞舊洩水郎兒口故水無所洩浸民廬及已熟田數萬頃乞遣官疏  
關引水入海及七月四日決吳橋縣柳斜口東岸三十餘步千戶移僧又遣軍  
閉塞郎兒口水壅不得洩必致漂蕩張管許河孟村三十餘村黍穀廬舍故本  
州摘官相視移文約會開關不從四年五月都水監遣官與河間路官相視元  
塞郎兒口東西長二十五步南北闊二十尺及隄南高一丈四尺北高二丈餘  
復按視郎兒口下流故河至滄州約三十餘里上下古跡寬闊乃減水故道名  
曰盤河令爲開關郎兒口增濬故河決積水由滄州城北達滹沱河以入于海  
泰定元年九月都水監遣官督丁夫五千八百九十八人是月二十八日興工

十月二日工畢

灤河

灤河源出金蓮川中由松亭北經遷安東平州西瀕灤州入海也王曾北行錄云自偏槍嶺四十里過烏灤河東有灤州因河爲名至元二十八年八月省臣奏姚演言奉勅疏濬灤河漕運上都乞應副沿河蓋露困工匠什物仍預備來歲所用漕船五百艘水手一萬牽船夫二萬四千臣等集議近歲東南荒歉民力凋弊造舟調夫其事非輕一時並行必致重困請先造舟十艘量撥水手試行之如果便續增益制可其奏先以五十艘行之仍選能人同事大德五年八月十三日平灤路言六月九日霖雨至十五日夜灤河與淝洳三河並溢衝圮城東西二處舊護城隄東西南三面城牆橫流入城漂郭外三關瀕河及在城官民屋廬糧物沒田苗溺人畜死者甚衆而雨猶不止至二十四日夜灤漆淝洳諸河水復漲入城餘屋漂蕩殆盡乃委吏部馬員外同都水監官修之東西二隄計用工三十一萬一千五十鈔八千八十七錠十五兩糙粳米三千一百



一十石五斗椿木等價鈔二百七十四錠二十六兩四錢延祐四年六月十六日上都留守司言正月一日城南御河西北岸爲水衝嚙漸至頽圯若不修治恐來春水泛漲漂沒民居又開平縣言四月二十六日霖雨至二十八日夜東關灤河水漲衝損北岸宜擬修築本司議卽目仲夏霖雨其水復溢必大爲害乃委官督夫匠與役開平發民夫幼小不任役請調軍供作庶可速成五月二十一日留守司言灤河水漲決隄計修築用軍六百宜令樞密院差調官給其食制曰今維其時移文樞密院發軍速爲之虎賁司發軍三百治焉泰定二年三月十三日永平路屯田總管府言國家經費咸出於民民之所生無過農作本屯闢田收糧以供億內府之用不爲不重訪馬城東北五里許張家莊龍灣頭在昔有司差夫築隄以防灤水西南連清水河至公安橋皆本屯地分去歲霖雨水溢衝盪皆盡浸死屯民田苗終歲無收方今農隙若不預修必致爲害工部移文都水監差濠寨泊本屯官及灤州官親詣相視督令有司差夫補築三年五月十日上都留守司及北路總管府言巡視大西關南馬市口灤河遞



北隄侵嚙漸崩不預治恐夏霖雨水泛貽害居民於是送都城所丈量計用物修治工部移文上都分部施行七月二日右丞相塔失帖木兒等奏幹耳朵思住冬營盤爲灤河走凌河水衝壞將築護水隄宜令樞密院發軍千二百人以供役從之樞密院請遣軍千二百人

### 河間河

河間河在河間路界泰定三年三月都水監言河間路水患古儉河自北門外始依舊疏通至大成縣界以洩上源水勢引入鹽河古陳玉帶河自軍司口浚治至雄州歸信縣界以導淀灤積潦注之易河黃龍港自鎖井口開鑿至文安縣玳瑁口以通灤水經火燒淀轉流入海計河宜疏者三十處總役三萬三十日可畢是月省臣奏准遣斷事官定住同元委都水孫監丞洎本處有司官於旁近州縣發丁夫三萬日給鈔一兩米一升先詣古陳玉帶河尋以歲旱民饑役興人勞罷候年登爲之

### 冶河

冶河在真定路平山縣西門外經井陘縣流來本縣東北十里入滹沱河元貞元年正月十八日丞相完澤等言往年先帝嘗命開真定冶河已發丁夫人役適值先帝昇遐以聚衆罷之今請遵舊制俾卒其事從之皇慶元年七月二日真定路言龍花判官莊諸處壞隄計工物申請省委都水監及本路官自平山縣西北歷視滹沱冶河合流急注真定西南關由是再議照冶河故道自平山縣西北河內改修滾水石隄下修龍塘隄東南至水碾村改引河道一里蒲吾橋西改闢河道一里上至平山縣西北下至寧晉縣疏其淤澱築隄分其上源入舊河以殺其勢復有程同程章二石橋阻咽水勢擬開減水月河二道可久且便下相欒城縣南視趙州寧晉縣諸河北之下源地形低下恐水泛經欒城趙州壞石橋阻河流爲害由是議於欒城縣北聖母堂東冶河東岸開減水河可去真定之患省准於二年二月都水監委官與本路及廉訪司官同詣平山縣相視會計修治總計冶河始自平山縣北關西龍神廟北獨石通長五千八百六步共役夫五千爲工十八萬八百七無風雨妨工三十六日可畢

滹沱河

滹沱河源出於西山在真定路真定縣南一里經藁城縣北一里經平山縣北十里寰宇記載經靈壽縣西南二十里此河連貫真定諸郡經流去處皆曰滹沱水也延祐七年十一月真定路言真定縣城南滹沱河北決隄寢近城每歲修築聞其源本微與冶河不相通後二水合其勢遂猛屢壞金大隄爲患本路達魯花赤哈散於至元三十年言准引闢冶河自作一流滹沱河水十退三四至大元年七月水漂南關百餘家淤塞冶河口其水復滹河自後歲有潰決之患略舉大德十年至皇慶元年節次修隄用捲掃葦草二百餘萬官給夫糧備傭直百餘萬錠及延祐元年三月至五月修隄二百七十餘步其明堂判官勉村三處就用橋木爲椿徵夫五百餘人執役月餘不能畢近年米價翔貴民匱於食有丁者正身應役單丁者必須募人人曰傭直不下三五貫前工未畢後役迭至至七月八日又衝塌李玉飛等莊及木方胡營等村三處隄長一千二百四十步申請委官相視差夫築月隄延祐二年本路前總管馬思忽嘗闢冶

河已復湮塞今歲霖雨水溢北岸數處浸沒田禾其河元經康家莊村南流不記歲月徙於村北數年修築皆於隄北取土故南高北低水愈就下侵嚙西至木方村東至護城隄數約二千餘步比來春必須修治用椿梢築土隄亦非永久之計若濬木方村南舊湮枯河引水南流牕閉北岸河口於南岸取土築隄下至合頭村北與本河合如此去城稍遠庶可無患都水監差官相視截河築隄闊千餘步新開古岸止闊六十步恐不能制禦千步之勢若於北岸闕破低薄處比元料增夫力葦草捲掃補築便計葦草丁夫若令責辦民間緣今歲旱澇相仍民食匱乏擬均料各州縣上中戶價錢及食米於官錢內支給限二月二十日興工役夫五千爲工十六萬七百一十九度三十二日可畢總計補築滹沱河北岸防水隄十處長一千九百一十步高闊不一計三百四十萬七千七百五十尺用推掃梯二十五每梯用大檁三小檁三計大小檁一百五十草三十五萬八百束葦二十八萬六百四十束梢柴七千二百束至治元年三月真定路言真定縣滹沱河每遇水泛衝隄岸浸沒民田已差募丁夫修築與廉

訪司官相視講究如將木方村南舊堙河道疏闢導水東南行牘閉北岸却於河南取土修築至合頭村合入本河似望可以民安都水監與真定路官相視議夫治水者行其所無事蓋以順其性也牘閉滹沱河口截河築隄一千餘步開掘故河老岸闊六十步長三十餘里改水東南行流霖雨之時水拍兩岸截河隄阻逆水性新開故河止闊六十步焉能吞授千步之勢上嚙下滯必致潰決徒糜官錢空勞民力若順其自然將河北岸舊隄北之元料增添工物如法捲掃堅固修築誠爲官民便益省准補築滹沱河北岸縷水隄一十處通長一千九百一十步役夫五百名計一十六萬七百三十九工泰定四年八月七日省臣奏真定路言滹沱河水連年泛溢爲害都水監廉訪司真定路及瀕河州縣官洎耆老會議其源自五臺諸山來至平山縣王母村山口下與平定州娘子廟石泉冶河合夏秋霖雨水漲瀾漫城郭每年勞民築隄莫能除害宜自王子村辛安村鑿河長四里餘接魯家灣舊澗復開二百餘步合入冶河以分殺其勢又木方村滹沱河南岸故道疏滌三十里北岸下椿捲掃築隄捍水令

東流今歲儲材九月興役期十一月功成所用石鐵石灰諸物夫匠工糧官爲供給力省功多可永無害工部議若從所請二河並治役大民勞擬先開冶河其真定路徵民夫如不敷可於鄰郡順德路差募人夫日給中統鈔一兩五錢如侵礙民田官酬其直中書省都水監差官率知水利濠寨督本路及當該州縣用工廉訪司添力咸就滹河近後再議從之九月委都水監官洎本道廉訪司真定路同監督有司併工修治後真定路言閏九月五日爲始興工間據趙州臨城諸縣申天寒地凍難於用工候春暖開闢便已於十月七日放散人民部議人夫旣散宜准所擬凡已給夫鈔二萬六千八百三十二錠地價錢六百三十錠

會通河

會通河起東昌路須城縣安山之西南由壽張西北至東昌又西北至于臨清以逾于御河至元二十六年壽張縣尹韓仲暉太史院令史邊源相繼建言開河置牓引汶水達舟于御河以便公私漕販省遺漕副馬之貞與源等按視地



勢商度工用於是圖上可開之狀詔出楮幣一百五十萬緡米四百石鹽五萬斤以爲備直備器用徵旁郡丁夫三萬驛遣斷事官忙速兒禮部尙書張孔孫兵部尙書李處巽等董其役首事於是年正月己亥起於須城安山之西南止於臨清之御河其長二百五十餘里中建牐三十有一度高低分遠邇以節蓄洩六月辛亥成凡役工二百五十一萬七百四十有八賜名曰會通河二十七年省以馬之貞言霖兩岸崩河道淤淺宜加修濬奏撥放罷輸運站戶三千專供其役仍俾採伐木石等以充用是後歲委都水監官一員佩分監印率令史奏差濠寨官往職巡視且督工易牐以石而視所損緩急爲後先至泰定二年始克畢事會通鎮牐三土壩二在臨清縣北頭牐長一百尺闊八十尺兩直身各長四十尺兩鴈翅各斜長三十尺高二尺牐空闊二丈自至元三十年正月一日興工凡役夫匠六百六十名至十月二十九日工畢中牐南至隘船牐三里元貞二年七月二十三日興工至大德二年三月十三日工畢夫匠四百四十三長廣與上牐同隘船南至李海務牐一百五十二里延祐元年八月十五

日興工九月二十五日工畢夫匠五百牘空闊九尺長廣同上土壩二李海務  
牘南至周家店牘一十二里元貞二年二月二日興工五月二十日工畢夫匠  
五百二十七名長廣與會通鎮牘同周家店牘南至七級牘一十二里大德四  
年正月二十一日興工八月二十日工畢夫匠四百四十二長廣與上同七級  
牘二北牘南至南牘三里大德元年五月一日興工十月六日工畢夫匠四百  
四十三名長廣如周家店牘南牘南至阿城牘一十二里元貞二年正月二十  
日興工十月五日工畢夫匠四百五十名長廣同北牘阿城牘二北牘南至南  
牘三里大德三年三月五日興工七月二十八日工畢夫匠四百四十一名長  
廣上同南牘南至荆門北牘一十里大德二年正月二十五日興工十月一日  
工畢夫匠四百四十六名長廣上同荆門牘二北牘南至荆門南牘二里半大  
德三年六月初一日興工至十月二十五日工畢役夫三百一十名長廣同南  
牘南至壽張牘六十三里大德六年正月二十三日興工六月二十九日工畢  
長廣同北牘壽張牘南至安山牘八里至元三十一年正月一日興工五月二

十日工畢安山牐南至開河牐八十五里至元二十六年建開河牐南至濟州  
牐一百二十四里濟州牐三上牐南至中牐三里大德元年三月十二日興工  
七月二十八日工畢中牐南至下牐二里至治元年三月一日興工六月六日  
工畢下牐南至趙村牐六里大德七年二月十三日興工五月二十一日工畢  
趙村牐南至石佛牐七里泰定四年二月十八日興工五月二十日工畢石佛  
牐南至辛店牐一十三里延祐六年二月十日興工四月二十九日工畢辛店  
牐南至師家店牐二十四里大德元年正月二十七日興工四月一日工畢師  
家店牐南至棗林牐一十五里大德二年二月三日興工五月二十三日工畢  
棗林牐南至孟陽泊牐九十五里延祐五年二月四日興工五月二十二日工  
畢孟陽泊牐南至金溝牐九十里大德八年正月四日興工五月十七日工畢  
金溝牐南至隘船牐一十二里大德十年閏正月二十五日興工四月二十三  
日工畢沽頭牐二北隘船牐南至下牐二里延祐二年二月六日興工五月十  
五日工畢南牐南至徐州一百二十里大德十一年二月興工五月十四日工

畢三汊口牓入鹽河南至土山牓一十八里泰定二年正月十九日興工四月十三日工畢土山牓南至三汊口牓二十五里入鹽河兗州牓壩城牓延祐元年二月二十日省臣言江南行省起運諸物皆由會通河以達于都爲其河淺澀大船充塞於其中阻礙餘船不得來往每歲省臺差人巡視其所差官言始開河時止許行百五十料船近年權勢之人并富商大賈貪嗜貨利造三四百料或五百料船於此河行駕以致阻滯官民舟楫如於沽頭置小石牓一止許行百五十料船便臣等議宜依所言中書及都水監差官於沽頭置小牓一及於臨清相視宜置牓處亦置小牓一禁約二百料之上船不許入河行運從之至治三年四月十日都水分監言會通河沛縣東金溝沽頭諸處地形高峻旱則水淺舟澀省部已准置二滾水堰近延祐二年沽頭牓上增置隘牓一以限巨舟每經霖雨則三牓月河截河土堰盡爲衝決自秋摘夫刈薪至冬水落或來歲春首修治工夫浩大動用丁夫千百束薪十萬之餘數月方完勞費萬倍又況延祐六年雨多水溢月河土堰及石牓鴈翅日被衝嚙土石相離深及數

丈其工倍多至今未完今若運金溝沽頭并隘牐三處見有石於沽頭月河內修堰牐一所更將隘牐移置金溝牐月河或沽頭牐月河內水大則大牐俱開使水得通流小則閉金溝大牐上開隘牐沽頭則閉隘牐而啓正牐行舟如此歲省修治之費亦可免丁夫冬寒入水之苦誠爲一勞永逸移文工部令委官與有司同議於是差濠寨約會濟寧路官相視就問金溝牐提領周德興言每歲夏秋霖雨衝失牐隄必候水落役夫採薪修治不下三兩月方畢冬寒水作苦不勝言會驗監察御史言延祐初元省臣亦嘗請置隘牐以限巨舟臣等議其言當請從之於是議梭板等船乃御河江淮可行之物宜遣出任其所之於金溝沽頭兩牐中置隘牐二各闊一丈以限大船若欲於通惠會通河行運者止許一百五十料違者罪之仍沒其船其大都江南權勢紅頭花船一體不許來往准擬折移沽頭隘牐置於金溝大牐之南仍作運環牐其間空地北作滾水石堰水漲卽開大小三牐水落卽鎖閉大牐止於隘牐通舟果有小料船及官用巨物許申稟上司權開大牐仍添金溝牐板積水以便行舟其沽頭截河

土堰依例改修石堰盡除舊有土堰三道金溝插月河內刼建滾水石堰長一百七十尺高一丈闊一丈沽頭插月河內修截河堰長一百八十尺高一丈一尺底闊二丈上闊一丈泰定四年四月御史臺臣言巡視河道自通州至真揚會集都水分監及瀕河州縣官民詢考利病不出兩端一曰壅決二曰經行卑職參詳自古立國引漕皆有成式自世祖屈羣策濟萬民疏河渠引清濟汶泗立插節水以通燕薊江淮舟楫萬里振古所無後人篤守成規苟能舉其廢墜而已實萬世無窮之利也蓋水性流變不常久廢不修舊規漸壞雖有智者不能善後以故詳歷考視酌古準今參會衆議輒有管見倘蒙采錄責任水監謹守勿失能事畢矣不窮利病之源頻歲差人具文巡視徒爲煩擾無益於事都水監元立南北隘插各闊九尺二百料下船梁頭八尺五寸可以入插愚民嗜利無厭爲隘插所限改造減舷添倉長船至八九十尺甚至百尺皆五六百料入至插內不能回轉動輒淺閣阻礙餘舟蓋緣隘插之法不能限其長短今卑職至真州問得造船作頭稱過插船梁八尺五寸船該長六丈五尺計二百料



由是參詳宜於隘牐下岸立石則遇船入牐必須驗量長不過則然後放入違者罪之牐內舊有長船立限遣出省下都水監委濠寨官約會濟寧路委官同歷視議擬隘牐下約八十步河北立二石則中間相離六十五尺如舟至彼驗量如式方許入牐有長者罪遣退之又與東昌路官親詣議擬於元立隘牐西約一里依已定丈尺置石則驗量行舟有不依元料者罪之天曆三年三月詔諭中外都水監言世祖費國家財用開闢會通河以通漕運往來使臣下番百姓及隨從使臣各枝幹脫權勢之人到牐不候水則恃勢捶撻看牐人等頻頻啓放又漕運糧船凡遇水淺於河內築土壩積水以漸行舟以故壞牐乞禁治事命後諸王駙馬各枝往來使臣及幹脫權勢之人下番使臣等并運官糧船如到牐依舊定例啓閉若似前不候水則恃勢捶拷守牐人等勒令啓牐及河內用土築壩壞牐之人治其罪如守牐之人恃有聖旨合啓牐時故意遲延阻滯使臣客旅欺要錢物乃不畏常憲也仍令監察御史廉訪司常加體察

兗州牐

兗州牘已見前至元二十七年四月都漕運副使馬之貞言准山東東西道宣慰使司牒文相視兗州牘隄事先於至元十二年蒙丞相伯顏訪問自江淮達大都河道之貞乃言宋金以來汶泗相通河道郭都水按視可以通漕於二十年中書省奏准委兵部李尙書等開鑿擬修石牘十四二十一年省委之貞與尙監察等同相視擬修石牘八石隄二除已修畢外有石牘一石隄一堰城石隄一至今未修據濟州以南徐邳沿河撻道橋梁二十三年添立邳州水站移文沿河州縣修治已完二十三年調之貞充漕運副使委管牘接放綱船沿河撻道元無崩損去處在前年例當麻麥盛時差官修理牘道督責地主割刈麻麥并滕州開決稻隄泗源磨隄差人於呂梁百步等碕及濟州牘監督江淮綱運船隻過碕出牘不令阻滯客旅苟取錢物據新開會通并濟州汶泗相通河非自然長流河道於兗州立牘隄約泗水西流堰城立牘隄分汶水入河南會于濟州以六牘撻節水勢啓閉通放舟楫南通淮泗以入新開會通河至於通州近去歲四月江淮都漕運使司言本司糧運經濟河至東阿交割前者濟州

運司不時移文瀕河官司修治撻道若有緩急處所正官取招呈省路經歷縣達魯花赤以下就便斷罪今濟州漕司革罷其河道撥屬都漕運司管領本司糧運未到東阿凡有阻滯並是本司遲慢迤南河道從此無人管領不時水勢泛溢隄岸摧塌澀滯河道又濟州插前濟州運司正官親臨監視其押綱船戶不敢分爭卽目各處官司差人管領與綱官船戶各無統攝爭要水勢及攙越過插互相毆打以致損壞船隻浸沒官糧擬將東阿河道撥付江淮都漕運司提調管領庶幾不誤糧運都省准焉又准江淮都漕運司副使言除委官看管插隄外據汶泗堽城二插一隄泗河兗州插隄濟州城南插乃會通河上源之喉衿去歲流水衝壞堽城汶河土隄兗州泗河土隄必須移文兗州泰安州差夫修閉又被漲水衝破梁山一帶隄隄走洩水勢通入舊河以致新河水小澀糧船乞移文斷事等官轉下東平路修閉上流撥屬江淮漕運司下流屬之貞管領若已後新河水小直下濟州監插官并泰安兗州東平修理據兗州石插一所石隄一道堽城石插一道合用材物已行措置完備必須修理雖初經之

貞相視會計卽令不隸管領乞移文江淮漕司修治其泰安州堽城安梁山一帶隄岸濟州牘等處雖是撥屬江淮漕司今後倘若水漲衝壞隄堰亦乞照會東平濟寧泰安如承文字亦仰奉行又東阿須城界安山牘爲糧船不由舊河來往江淮所委監牘官已去目今無人看管必須之貞修理以此權委人守焉

元史卷六十四

元史卷六十五

明翰林學士亞中大夫知制誥兼修國史宋濂等修

志第十七

河渠二

黃河

黃河之水其源遠而高其流大而疾其爲患於中國者莫甚焉前史載河決之患詳矣世祖至元九年七月衛輝路新鄉縣廣盈倉南河北岸決五十餘步八月又崩一百八十三步其勢未已去倉止三十步於是委都水監丞馬良弼與本路官同詣相視差丁夫併力修完之二十五年汴梁路陽武縣諸處河決二十二所漂蕩麥禾房舍委宣慰司督本路差夫脩治成宗大德三年五月河南省言河決蒲口兒等處浸歸德府數郡百姓被災差官脩築計料合脩七隄二十五處共長三萬九千九十二步總用葦四十萬四千束徑尺椿二萬四千七百二十株役夫七千九百二人武宗至大三年十一月河北河南道廉訪司言

黃河決溢千里蒙害浸城郭漂室廬壞禾稼百姓已懼其毒然後訪求脩治之方而且衆議紛紜互陳利害當事者疑惑不決必須上請朝省比至議定其害滋大所謂不預已然之弊大抵黃河伏槽之時水勢似緩觀之不足爲害一遇霖潦湍浪迅猛自孟津以東土性疏薄兼帶沙滷又失導洩之方崩潰決溢可翹足而待近歲亳潁之民幸河北徙有司不能遠慮失於規畫使陂灤悉爲陸地東至杞縣三汊口播河爲三分殺其勢蓋亦有年往歲歸德太康建言相次湮塞南北二汊遂使三河之水合而爲一下流旣不通暢自然上溢爲災由是觀之是自奪分泄之利故其上亦決溢至今莫除卽今水勢趨下有復鉅野梁山之意蓋河性遷徙無常苟不爲遠計預防不出數年曹濮濟鄆蒙害必矣今之所謂治水者徒爾議論紛紜咸無良策水監之官旣非精選知河之利害者百無一二雖每年累驛而至名爲巡河徒應故事問地形之高下則懵不知訪水勢之利病則非所習旣無實才又不經練乃或妄興事端勞民動衆阻逆水性翻爲後患爲今之計莫若於汴梁置都水分監妙選廉幹深知水利之人專



職其任量存員數頗爲巡視謹其防護可疏者疏之可堙者堙之可防者防之職掌既專則事功可立較之河已決溢民已被害然後鹵莽脩治以勞民者烏可同日而語哉於是省令都水監議檢照大德十年正月省臣奏準昨都水監陞正三品添官二員鑄分監印巡視御河脩缺潰疏淺澀禁民船越次亂行者今擬就令分巡提點脩治本監議黃河泛漲止是一事難與會通河有壩插漕運分監守治爲比先爲御河添官降印兼提點黃河若使專一分監在彼則有妨御河公事況黃河已有拘該有司正官提調自今莫若分監官吏以十月往與各處官司巡視缺破會計工物督治比年終完來春分監新官至則一一交割然後代還庶不相誤工部照大德九年黃河決徙逼近汴梁幾至浸沒本處官司權宜開闢董益口分入巴河以殺其勢遂使正河水緩併趨支流緣巴河舊隘不足吞伏明年急遣蕭都水等閉塞而其勢愈大卒無成功致連年爲害南至歸德諸處北至濟寧地分至今不息本部議黃河爲害難同餘水欲爲經遠之計非用通知古今水利之人專任其事終無補益河南憲司所言詳悉今

都水監別無他見止依舊例議擬未當如量設官精選廉幹奉公深知地形水勢者專任河防之職往來巡視以時疏塞庶可除害省準令都水分監官專治河患任滿交代仁宗延祐元年八月河南等處行中書省言黃河涸露舊水泊汙池多爲勢家所據忽遇泛溢水無所歸遂致爲害由此觀之非河犯人人自犯之擬差知水利都水監官與行省廉訪司同相視可以疏闢隄障比至泛溢先加脩治用力少而成功多又汴梁路睢州諸處決破河口數十內開封縣小黃村計會月隄一道都水分監脩築障水隄隙所擬不一宜委請行省官與本道憲司汴梁路都水分監官及州縣正官親歷按驗從長講議由是委太常丞郭奉政前都水監丞邊承務都水監卿朵兒只河南行省石右丞本道廉訪副使站木赤汴梁判官張承直上自河陰下至陳州與拘該州縣官一同沿河相視開封縣小黃村河口測量比舊淺減六尺陳留通許太康舊有蒲葦之地後因閉塞西河塔河諸水口以便種蒔故他處連年潰決各官公議治水之道惟當順其性之自然嘗聞大河自陽武胙城由白馬河間東北入海歷年旣久遷

徙不常每歲泛溢兩岸時有衝決強爲閉塞正及農忙科椿梢發丁夫動至數萬所費不可勝紀其弊多端郡縣嗷嗷民不聊生蓋黃河善遷徙惟宜順下疏泄今相視上自河陰下抵歸德經夏水漲甚於常年以小黃口分洩之故並無衝決此其明驗也詳視陳州最爲低窪瀕河之地今歲麥禾不收民饑特甚欲爲拯救奈下流無可疏之處若將小黃村河口閉塞必移患隣郡決上流南岸則汴梁被害決下流北岸則山東可憂事難兩全當遺小就大如免陳村差稅賑其饑民陳留通許太康縣被災之家依例取勘賑恤其小黃村河口乃舊通流外據脩築月隄并障水隄閉河口別難擬議於是凡汴梁所轄州縣河隄或已脩治及當疏通與補築者條列具備至五年正月河北河南道廉訪副使奧屯言近年河決杞縣小黃村口滔滔南流莫能禦遏陳潁瀕河膏腴之地浸沒百姓流散今水迫汴城遠無數里儻值霖雨水溢倉卒何以防禦方今農隙宜爲講究使水歸故道達于江淮不惟陳潁之民得遂其生竊恐將來浸灌汴城其害匪輕於是大司農司下都水監移文汴梁分監脩治自六年二月十一日

興工至三月九日工畢總計北至槐疙疸兩舊隄南至審務汴隄通長二十里二百四十三步掘脩護城隄一道長七千四百四十三步下地脩隄下廣十六步上廣四步高一丈六十尺爲一工隄東二十步外取土內河溝七處深淺高下闊狹不一計工二十五萬三千六百八十用夫八千四百五十三除風雨妨工三十日畢內流水河溝南北闊二十步水深五尺河內脩隄底闊二十四步上廣八步高一丈五尺積十二萬尺取土稍遠四十尺爲一工計三萬工用夫百人每步用大椿二計四十各長一丈二尺徑四寸每步雜草千束計二萬每步簽椿四計八十各長八尺徑三寸水手二十木匠二大船二艘梯鏝一副繩索畢備七年七月汴梁路言滎澤縣六月十一日河決塔海莊東隄十步餘橫隄兩重又缺數處二十三日夜開封縣蘇村及七里寺復決二處本省平章站馬赤親率本路及都水監官併工脩築於至治元年正月興工脩隄岸四十六處該役一百二十五萬六千四百九十四工凡用夫三萬一千四百一十三人文宗至順元年六月曹州濟陰縣河防官本縣尹郝承務言六月五日魏家道

口黃河舊隄將決不可脩築以此差募民夫勗脩護水月隄東西長三百九步下闊六步高一丈又緣水勢瀾漫復於近北築月隄東西長一千餘步下廣九步其功未竟至二十一日水忽泛溢新舊三隄一時咸決明日外隄復壞急率民閉塞而湍流迅猛有蛇時出沒於中所下椿土一掃無遺又舊隄歲久多有缺壞差夫併工築成二十餘步其魏家道口缺隄東西五百餘步深二丈餘外隄缺口東西長四百餘步又磨子口護水隄低薄不足禦水東西長一千五百步魏家道口卒未易脩先差夫補築磨子口七月十六日興工二十八日工畢二十二日按視至朱從馬頭西舊隄缺壞東西長一百七十餘步計料隄外貼築五步增高一丈二尺與舊隄等上廣二步於磨子口脩隄夫內摘差三百一十人於是月二十三日入役至閏七月四日工畢郝承務又言魏家道口埽堦等村缺破隄堰累下椿土衝洗不存若復閉築緣缺隄周回皆泥淖人不可居兼無取土之處又沛郡安樂等保去歲旱災今復水澇漂禾稼壞室廬民皆缺食難於差倩其不經水害村保民人先已遍差補築黃家橋磨子口諸處隄堰

似難重役如候秋涼水退倩夫脩理庶蘇民力今衝破新舊隄七處共長一萬二千二百二十八步下廣十二步上廣四步高一丈二尺計用夫六千三百四人椿九百九十葦箔一千三百二十草一萬六千五束六十尺爲一工無風雨妨工度五十日可畢本縣準言至八月三十日差夫二千四百二十關請郝承務督役郝承務又言九月三日興工脩築至十八日大風十九日雨二十四日復雨緣此辛馬頭孫家道口障水隄堰又壞計工役倍於元數移文本縣添差二千人同築二十六日元與武成定陶二縣分築魏家道口八百二十步脩完十月二日至辛馬頭孫家道口從實又量元缺隄南北闊一百四十步內水地五十步深者至二丈淺者不下八九尺依元料用椿箔補築至七日完又於本處剏築月隄一道西北東南斜長一千六百二十七步內武成定陶分築一百五十步實築一千四百七十七步外有元料堦頭魏家道口外隄未築卽欲興工緣冬寒土凍擬候來春併工修理官民兩便



濟州河者新開以通漕運也世祖至元十七年七月耿參政阿里尙書奏爲姚演言開河事令阿合馬與耆舊臣集議以鈔萬錠爲傭直仍給糧食世祖從之十八年九月中書丞相火魯火孫等奏姚總管等言請免益都淄萊寧海三州一歲賦八折傭直以爲開河之用平章阿合馬與諸老臣議以爲一歲民賦雖多較之官給傭直行之甚便遂從之十月火魯火孫等奏阿八失所開河經濟州而其地又有一河傍有民田開之甚便臣等議若開此河阿八失所管一方屯田宜移之他處不阻水勢世祖令移之十二月差奧魯赤劉都水及精算數者一人給宣差印往濟州定開河夫役令大名衛州新附軍亦往助工三十一年御史臺言膠萊海道淺澀不能行舟臺官玉速帖木兒奏阿八失所開河省遣牙亦速失來謂漕船泛河則失少泛海則損多旣而漕臣囊加鯁萬戶孫偉又言漕海舟疾且便右丞麥朮丁又奏斡奴兀奴鯁凡三移文言阿八失所開河益少損多不便轉漕水手軍人二萬舟千艘見閑不用如得之可歲漕百萬石昨奉旨候忙古鯁來共議海道便則阿八失河可廢今忙古鯁已自海道運

糧回有一二南人自願運糧萬石已許之囊加斛孫萬戶復請用軍驗試海運省院官暨衆議阿八失河所用水手五千軍五千船千艘昇揚州省教習漕運今擬以此水手軍人就用平灤船從利津海漕運世祖從之阿八失所開河遂廢

滏河

滏河者引滏水以通洛州城濠者也至元五年十月洛磁路言洛州城中井泉鹹苦居民食用多作疾且死者衆請疏滌舊渠置壩插引滏水分灌洛州城濠以濟民用計會河渠東西長九百步闊六尺深三尺二尺爲工役工四百七十五民自備用器歲二次放插且不妨漕事中書省準其言

廣濟渠

廣濟渠在懷孟路引沁水以達于河世祖中統二年提舉王允中大使楊端仁奉詔開河渠凡募夫千六百五十一人內有相合爲夫者通計使水之家六千七百餘戶一百三十餘日工畢所修石堰長一百餘步闊三十餘步高一丈三

尺石斗門橋高二丈長十步闊六步渠四道長闊不一計六百七十七里經濟源河內河陽溫武陟五縣村坊計四百六十三處渠成甚益於民名曰廣濟三年八月中書省臣忽魯不花等奏廣濟渠司言沁水渠成今已驗工分水恐久遠權豪侵奪乃下詔依本司所定水分已後諸人毋得侵奪至文宗天曆三年三月懷慶路同知阿合馬言天久亢旱夏麥枯槁秋穀種不入土民匱於食近因訪問耆老咸稱舟水澆漑近山田土居民深得其利有沁水亦可漑田中統間王學士亦爲天旱奉詔開此渠募自願人戶於太行山下沁口古蹟置分水渠口開濬大河四道歷溫陟入黃河約五百餘里渠成名曰廣濟設官提調遇旱則官爲斟酌驗工多寡分水澆漑濟源河內河陽溫武陟五縣民田三千餘頃咸受其賜二十餘年後因豪家截河起堰立碾磨壅遏水勢又經霖雨渠口淤塞隄堰頽圯河渠司尋亦革罷有司不爲整治因致廢壞今五十餘年分水渠口及舊渠蹟俱有可考若蒙依前浚治引水漑田於民大便可令河陽河內濟源溫武陟五縣使水人戶自備工力疏通分水渠口立牓起堰仍委諳知水

利之人多方區畫遇旱視水緩急撤牐通流驗工分水以灌溉若霖雨泛漲閉牐退還正流禁治不得截水置碾磨栽種稻田如此則澇旱有備民樂趨利請移文孟州河內武陟縣委官講議尋據孟州等處申親詣沁口諮詢耆老言舊日沁水正河內築土堰遮水入廣濟渠岸北雖有減水河道不能吞伏後值霖雨蕩沒田禾以此堵閉今若枋口上連土岸及於沁水正河置立石堰與枋口相平如遇水溢閉塞牐口使水漫流石堰復還本河又從減水河分殺其勢如此庶不爲害約會河陽武陟縣尹與耆老等議若將舊廣濟渠依前開濬減水河亦增開深闊禁安磨碾設立牐堰自下使水遇旱放牐澆田值澇閉牐退水公私便益懷慶路備申工部牒都水監回文本路委官相視施行

三白渠

京兆舊有三白渠自元伐金以來渠堰缺壞土地荒蕪陝西之人雖欲種蒔時不獲水利賦稅不足軍興乏用太宗之十二年梁泰奏請差撥人戶牛具一切種蒔等物修成渠堰比之旱地其收數倍所得糧米可以供軍太宗準奏就令梁

泰佩元降金牌充宣差規措三白渠使郭時中副之直隸朝廷置司於雲陽縣所用種田戶及牛畜別降旨付塔海紺不於軍前應副是月敕喻塔海紺不近梁泰奏修三白渠事可於汝軍前所獲有妻少壯新民量撥二千戶及木工二十人官牛內選肥腴齒小者一千頭內乳牛三百以畀梁泰等如不敷於各千戶百戶內貼補限今歲十一月內交付數足趁十二月入工其耕種之人所收之米正爲接濟軍糧如發遣人戶之時或闕少衣裝於各千戶百戶內約量支給差軍護送出境沿途經過之處亦爲防送毋致在逃走逸驗路程給以行糧大口一升小者半之

### 洪口渠

洪口渠在奉元路英宗至治元年十月陝西屯田府言自秦漢至唐宋年例八月差使水戶自涇陽縣西仲山下截河築洪堰改涇水入白渠下至涇陽縣北白公斗門分爲三限并平石限蓋五縣分水之要所北限入三原櫟陽雲陽中限入高陵南限入涇陽澆溉官民田七萬餘畝近至大三年陝西行臺御史王

承德言涇陽洪口展修石渠爲萬世之利由是會集奉元路三原涇陽臨潼高陵諸縣洎涇陽渭南櫟陽諸屯官及耆老議如準所言展修石渠八十五步計四百二十五尺深二丈廣一丈五尺計用石十二萬七千五百尺人日採石積方一尺工價二兩五錢石工二百丁夫三百金火匠二用火焚水淬日可鑿石五百尺二百五十五日工畢官給其糧食用具丁夫就役使水之家顧匠傭直使水戶均出陝西省議計所用錢糧不及二年之費可謂一勞永逸准所言便都省準委屯田府達魯花赤只里赤督工自延祐元年二月十日發夫匠入役至六月十九日委官言石性堅厚鑿僅一丈水泉湧出近前續展一十七步石積二萬五千五百尺添夫匠百人日鑿六百尺二百四十二日可畢文宗天曆二年三月屯田總管兼管河渠司事郭嘉議言去歲六月三日驟雨涇水泛漲元修洪隄及小龍口盡圯水歸涇白渠內水淺爲此計用十四萬九千五百十一工役丁夫一千六百度九十三日畢於使水戶內差撥每夫就持麻一斤鐵一斤繫囤取泥索各一長四十尺草苫一長七尺厚二寸陝西省準屯田府照



洪口自秦至宋一百二十激經由三限自涇陽下至臨潼五縣分流澆溉民田七萬餘頃驗田出夫千六百人自八月一日修堰至十月放水溉田以爲年例近因奉元亢旱五載失稔人皆相食流移疫死者十七八今差夫又令就出用物實不能辦集竊詳涇陽水利雖分三限引水溉田緣三原等縣地理遙遠不能依時周遍涇陽北近俱在上限并南限中限用水最便今次修堰除見在戶依例差役其逃亡之家合出夫數宜令涇陽縣近限水利戶添差一人官日給米一升併工修治省準出鈔八百錠委耀州同知李承事洎本府總管郭嘉議及各處正官計工役照時直糴米給散李承事督夫修築至十一月十六日畢

### 揚州運河

運河在揚州之北宋時嘗設軍疏滌世祖取宋之後河漸壅塞至元末年江淮行省嘗以爲言雖有旨濬治有司奉行未見實効仁宗延祐四年十一月兩淮運司言鹽課甚重運河淺澀無源止仰天雨請加修治明年二月中書移文河南省選官洎運司有司官相視會計工程費用於是河南行省委都事張奉政

及淮東道宣慰司官運司官會州縣倉場官徧歷巡視集議河長二千三百五十里有司差瀕河有田之家顧倩丁夫開修一千八百六十九里倉場鹽司不妨辦課協濟有司開修四百八十二里運司言近歲課額增多而船竈戶日益貧苦宜令有司通行修治省減官錢省臣奏準諸色戶內顧募丁夫萬人日支鹽糧錢二兩計用鈔二萬錠於運司鹽課及減駁船錢內支用差官與都水監河南行省淮東宣慰司官專董其事廉訪司體察樞密院遣官鎮遏乘農隙併工疏治

練湖

練湖在鎮江元有江南之後豪勢之家於湖中築隄圍田耕種侵占既廣不足受水遂致泛溢世祖末年參政暗都刺奏請依宋例委人提調疏治其侵占者驗畝加賦至治三年十二月省臣奏江浙行省言鎮江運河全藉練湖之水為上源官司漕運供億京師及商賈販載農民來往其舟楫莫不由此宋時專設人夫以時修濬練湖儲蓄潦水若運河淺阻開放湖水一寸則可添河水一尺

近年淤淺舟楫不通凡有官物差民運遞甚爲不便委官相視疏治運河自鎮江路至呂城壩長百三十一里計役夫萬五百十三人六十日可畢又用三千餘人浚滌練湖九十日可完人日支糧三升中統鈔一兩行省行臺分官監督所用船物今歲預備來春興工合行事宜依江浙行省所擬旣得旨都省移文江浙行省委參政董中奉率合屬正官親臨督役於是董中奉言所委前都水少監崇明州知州任奉政鎮江路總管毛中議等議練湖運河此非一事宜依假山諸湖農民取泥之法用船千艘船三人用竹筲撈取淤泥日可三載月計九萬載三月之間通取二十七萬載就用所取泥增築湖岸自鎮江在城程公壩至常州武進縣呂城壩河長百三十一里一百四十六步擬開河面闊五丈底闊三丈深四尺與見有水二尺可積深六尺所役夫於平江鎮江常州江陰州又建康路所轄溧陽州田多上戶內差倩若濬湖開河二役並與卒難辦集宜趁農隙先開運河工畢就濬練湖省準所言與都事王徵事等於泰定元年正月至鎮江丹陽縣洎各監工官沿湖相視上湖沙岡黃土下湖菱根叢雜泥

亦堅硬不可簞取又議兩役並興相離三百餘里往來監督供給爲難願以所督夫一萬三千五百十二人先開運河期四十七日畢次濬練湖二十日可完繼有江南行臺侍御史及浙西廉訪司副使俱至乃議首事運河備文咨稟遂於是月十七日入役二月十八日省臣奏開濬運河練湖重役也宜依行省所議仍令便宜從事後各監工官言已分運河作三壩依元料深闊丈尺開浚至三月四日工畢數內平江崑山嘉定二州實役二十六日常熟吳江二州長州吳縣實役二十八日餘皆役三十日已於三月七日積水行舟又監修練湖官言任奉議指劃元料增築隄堰及舊有土基共增闊一丈二尺平面至高底灘脚增築共量斜高二丈五尺依中堰西石礎東舊隄臥羊灘修築如舊隄高闊已及所料之上者遇有崩缺修築令完中堰西石礎至五百婆隄西上增高土一尺有缺亦補之五百婆隄至馬林橋隄水勢稍緩不須修治其隄底間有滲漏者窒塞之三月六日破土九日入役至十一日工畢實役三日歸勘任少監元料開運河夫萬五百十三人六十日畢濬練湖夫三千人九十日畢人日支

鈔一兩米三升共該鈔萬八千一十四錠二十兩米二萬七千二十一石六斗實徵夫萬三千五百十二人共役三十三日支鈔八千六百七十九錠三十六兩糧萬三千九百五十八升比附元料省鈔九千三百三十四錠三十四兩糧萬四千二百二升其練湖未畢相視地形水勢再議參政董中奉又言練湖舊有湖兵四十三人添補五十七名共百人於本路州縣苗糧三石之下二石之上差充專任修築湖岸設提領二員壕寨二人司吏三人於有出身人內選用工部議練湖所設提領人等印信卽同湖兵宜咨本省遍行議擬又鎮江路言運河練湖今已開濬若不設法關防徒勞民力除關本路達魯花赤兀魯失海牙總治其事同知哈散知事程郇專管啓閉斗門行省從之

### 吳松江

浙西諸山之水受之太湖下爲吳松江東匯澱山湖以入海而潮汐來往逆湧濁沙上涇河口是以宋時設置撩洗軍人專掌修治元旣平宋軍士罷散有司不以爲務勢豪租占爲蕩爲田州縣不得其人輒行許準以致湮塞不通公私

俱失其利久矣至治三年江浙省臣方以爲言就委嘉興路治中高朝列湖州路知事丁將仕同本處正官體究舊曾疏濬通海故道及新生沙漲礙水處所商度開滌圖呈據丁知事等官按視講究合開濬河道五十五處內常熟州九處十三段該工百三十二萬一千五百六十二崑山州十一處九十五里用工二萬七千四百役夫四百五十六宜於本州有田一頃之上戶內驗田多寡算量里步均派自備糧赴功疏濬正月上旬興工限六十日工畢二年一次舉行嘉定州三十五處五百三十八里該工百二十六萬七千五百九十九日支糧一升計米萬二千六百七十石五斗九升日役夫二萬一千一百一十七六十日畢工程浩大米糧數多乞依年例勸率附河有田用水之家自備口糧佃戶傭力開濬奈本州連年被災今歲尤甚力有不逮宜從上司區處高治中會集松江府各州縣官按視議合濬河渠華亭縣九處計五百二十八里該工九百六十八萬四千八百八十二役夫十六萬一千四百一十四人日支糧二升計米十九萬三千六百九十七石六斗四升上海縣十四處計四百七十一里該工千



二百三十六萬八千五十二日役夫二萬六千一百三十四人日支糧二升計二十四萬七千三百六十一石四升六分十日工畢官給之糧傭民疏治如下年豐稔勸率有田之家五十畝出夫一人十畝之上驗數合出止於本保開濬其權勢之家置立魚鱗并沙塗栽葦者依上出夫其上海嘉定連年旱澇皆緣河口湮塞旱則無以灌漑澇則不能疏洩累致凶歉官民俱病至元三十年以後兩經疏闢稍得豐稔比年又復壅閉勢家愈加租占雖得徵賦實失大利上海縣歲收官糧一十七萬石民糧三萬餘石略舉似延祐七年災傷五萬八千七百餘石至治元年災傷四萬九千餘石二年十萬七千餘石水旱連年殆無虛歲不惟虧欠官糧復有賑貸之費近委官相視地形講議疏濬其通海大江未易遽治舊有河港聯絡官民田土之間藉以灌漑者今皆填塞必須疏通以利耕種欲令有田人戶自爲開濬而工役浩繁民力不能獨成由是議上海嘉定河港宜令本處所管軍民站竈僧道諸色有田者以多寡出夫自備糧修治州縣正官督役其豪勢租占蕩田妨水利者並與除闢本處民田稅糧全免一年

官租減半今秋收成下年農隙舉行行省行臺廉訪司官巡鎮外據華亭崑山常熟州河港比上海嘉定緩急不同難爲一體從各處勸農正官督有田之家備糧併工修治若遽興工陰陽家言癸亥年動土有忌預爲咨稟可否至泰定元年十月十九日右丞相旭邁傑等奏江浙省言吳松江等處河道壅塞宜爲疏滌仍立牘以節水勢計用四萬餘人今歲十二月爲始至正月終六十日可畢用二萬餘人二年可畢其丁夫於旁郡諸色戶內均差依練湖例給傭直糧食行省行臺廉訪司并有司官同提調臣等議此事官民兩便宜從其請若丁夫有餘止令一年畢命脫歡荅刺罕諸臣同提調專委左丞朵兒只班及前都水任少監董役得旨移文行省準擬疏治江浙省下各路發夫入役至二年閏正月四日工畢

澱山湖

太湖爲浙西巨浸上受杭湖諸山之水瀦蓄之餘分匯爲澱山湖東流入海世祖末年參政暗都刺言此湖在宋時委官差軍守之湖旁餘地不許侵占常疏

其壅塞以洩水勢今既無人管領遂爲勢豪絕水築隄繞湖爲田湖狹不足蓄每遇霖潦泛溢爲害昨本省官忙古斛等興言疏治因受曹總管金而止張參議潘應武等相繼建言識者咸以爲便臣等議此事可行無疑然雖軍民相參選委廉幹官提督行省山住子行院董入都見子行臺哈刺斛令親詣相視會計合用軍夫擬稟世祖曰利益美事舉行已晚其行之既而平章鐵哥言委官相視計用夫十二萬百日可畢昨奏軍民共役今民丁數多不須調軍世祖曰有損有益咸令均齊毋自疑惑其均科之至元三十一年世祖崩成宗卽位平章鐵哥奏太湖澱山湖昨嘗奏過先帝差倩民夫二十萬疏掘已畢今諸河日受兩潮漸致沙漲若不依舊宋例令軍屯守必致坐隳成功臣等議常時工役撥軍樞府猶且恠惜屯守河道用軍八千必辭不遣澱山湖圍田賦糧二萬石就以募民夫四千調軍士四千與同屯守立都水防田使司職掌收捕海賊脩治河渠圍田命伯顏察兒暨樞密院議畢聞奏於是樞府言嘗奏澱山湖在宋時設軍屯守范殿帥朱張輩必知其故擬與省官集議定稟奏有旨從之乃

集樞府官及范殿帥等共議朱張言宋時屯守河道用手號軍大處千人小處不下三四百隸巡檢司管領范殿帥言差夫四千非動搖四十萬戶不可若令五千軍屯守就委萬戶一員提調事或可行臣等亦以爲然與都水巡防萬戶府職名俾隸行院樞府官又言若與知源委之人詢其詳候至都定議從之

### 鹽官州海塘

鹽官州去海岸三十里舊有捍海塘二後又添築鹹塘在宋時亦嘗崩陷成宗大德三年塘岸崩都省委禮部郎中游中順洎本省官相視虛沙復漲難於施力至仁宗延祐己未庚申間海汛失度累壞民居陷地三十餘里其時省憲官共議宜於州後北門添築土塘然後築石塘東西長四十三里後以潮汐沙漲而止至泰定卽位之四年二月間風潮大作衝捍海小塘壞州郭四里杭州路言與都水庸田司議欲於北地築塘四十餘里而工費浩大莫若先修鹹塘增其高闊填塞溝港且濬深近北備塘濠塹用椿密釘庶可護禦江浙省準下本路修治都水庸田司又言宜速差丁夫當水入衝堵閉其不敷工役於仁和錢

塘及嘉興附近州縣諸色人戶內斟酌差倩卽日淪沒不已旦夕誠爲可慮工部議海岸崩摧重事也宜移文江浙行省督催庸田使司鹽運司及有司發丁夫脩治毋致侵犯城郭貽害居民五月五日平章禿滿迭兒茶乃史參政等奏江浙省四月內潮水衝破鹽官州海岸令庸田司官徵夫修堵又令僧人誦經復差人令天師致祭臣等集議世祖時海岸嘗崩遣使命天師祈祀潮卽退今可令直省舍人伯顏奉御香令天師依前例祈祀制曰可旣而杭州路又言八月以來秋潮洶湧水勢愈大見築沙地塘岸東西八十餘步造木櫃石囤以塞其要處本省左丞相脫歡等議安置石囤四千九百六十抵禦鏊嚙以救其急擬比浙江立石塘可爲久遠計工物用鈔七十九萬四千餘錠糧四萬六千三百餘石接續興脩致和元年三月省臣奏江浙省并庸田司官修築海塘作竹籬篠內實以石鱗次壘疊以禦潮勢今又淪陷入海見圖修治儻得堅久之策移文具報臣等集議此重事也旦夕駕幸上都分官扈從不得圓議今差戶部尙書李家奴工部尙書李嘉賓樞密院屬衛指揮青山副使洪灝宣政僉院南

哥班與行省左丞相脫歡及行臺行宣政院庸田使司諸臣會議修治之方合用軍夫除戍守州縣關津外酌量差撥從便添支口糧合役丁力附近有田之民及僧道也里可温蒼失蠻等戶內點倩凡工役之時諸人毋或沮壞違者罪之合行事務提調官移文稟奏施行有旨從之四月二十八日朝廷所委官洎行省臺院及庸田司等官議大德延祐欲建石塘未就泰定四年春潮水異常增築土塘不能抵禦議置板塘以水湧難施工遂作籬條木櫃間有漂沉欲踵前議疊石塘以圖久遠爲地脈虛浮比定海浙江海鹽地形水勢不同由是造石囤於其壞處疊之以救目前之急已置石囤二十九里餘不曾崩陷略見成效庸田司與各路官同議東西接壘石囤十里其六十里塘下舊河就取土築塘鑿東山之石以備崩損文宗天曆元年十一月都水庸田司言八月十日至十九日正當大汛潮勢不高風平水穩十四日祈請天妃入廟自本州嶽廟東海北護岸鱗鱗相接十五日至十九日海岸沙漲東西長七里餘南北廣或三十步或數十百步漸見南北相接西至石囤已及五都修築捍海塘與鹽塘相



連直抵巖門障禦石囤東至十一都六十里塘東至東大尖山嘉興平湖三路所修處海口自八月一日至二日探海二丈五尺至十九日二十日探之先二丈者今一丈五尺先一丈五尺者今一丈西自六都仁和縣界赭山雷山爲首添漲沙塗已過五都四都鹽官州廊東西二都沙土流行水勢俱淺二十日復巡視自東至西岸脚漲沙比之八月十七日漸增高闊二十七日至九月四日大汛本州嶽廟東西水勢俱淺漲沙東過錢家橋海岸元下石囤木植並無頽圯水息民安於是改鹽官州曰海寧州

### 龍山河道

龍山河在杭州城外歲久淤塞武宗至大元年江浙省令史裴堅言杭州錢塘江近年以來爲沙塗壅漲潮水遠去離北岸十五里舟楫不能到岸商旅往來募夫搬運十七八里使諸物翔湧生民失所遞運官物甚爲煩擾訪問宋時並江岸有南北古河一道名龍山河今浙江亭南至龍山牖約一十五里糞壤填塞兩岸居民間有侵占迹其形勢宜改修運河開掘沙土對牖搬載直抵浙江

轉入兩處市河免擔負之勞生民獲惠省下杭州路相視錢塘縣城南上隅龍山河至橫河橋委係舊河居民侵占起建房屋若疏通以接運河公私大便計工十五萬七千五百六十六日役夫五千二百五十二度可三十日畢所役夫於本路錄事司仁和錢塘縣富實之家差倩就持筐檐鋤鏝應役人日支官糧二升該米三千一百五十一石三斗二升河長九里三百六十二步造石橋八立上下二牖計用鈔一百六十三錠二十三兩四錢七分七釐省準咨請丞相脫脫總治其事於仁宗延祐三年三月七日興工至四月十八日工畢

元史卷六十五

元史卷六十六

明翰林學士亞中大夫知制誥兼修國史宋 濂等修

河渠志第十七下

河渠二

黃河

至正四年夏五月大雨二十餘日黃河暴溢水平地深二丈許北決白茅隄六月又北決金隄並河郡邑濟寧單州虞城碭山金鄉魚臺豐沛定陶楚丘武城以至曹州東明鉅野鄆城嘉祥汶上任城等處皆罹水患民老弱昏墊壯者流離四方水勢北侵安山沿入會通運河延袤濟南河間將壞兩漕司鹽場妨國計甚重省臣以聞朝廷患之遣使體量仍督大臣訪求治河方略九年冬脫脫既復爲丞相慨然有志於事功論及河決卽言于帝請躬任其事帝嘉納之乃命集羣臣議廷中而言人人殊唯都漕運使賈魯昌言必當治先是魯嘗爲山東道奉使宣撫首領官循行被水郡邑具得修捍成策後又爲都水使者奉旨

詣河上相視驗狀爲圖以二策進獻一議修築北隄以制橫潰其用功省一議  
疏塞並舉挽河使東行以復故道其功費甚大至是復以二策對脫脫肆其後  
策議定乃薦魯于帝大稱旨十一年四月初四日下詔中外命魯以工部尙書  
爲總治河防使進秩二品授以銀印發汴梁大名十有三路民十五萬人廬州  
等戍十有八翼軍二萬人供役一切從事大小軍民咸稟節度便宜興繕是月  
二十二日鳩工七月疏鑿成八月決水故河九月舟楫通行十一月水土工畢  
諸掃諸隄成河乃復故道南匯于淮又東入于海帝遣貴臣報祭河伯召魯還  
京師論功超拜榮祿大夫集賢大學士其宣力諸臣遷賞有差賜丞相脫脫世  
襲答刺罕之號特命翰林學士承旨歐陽玄製河平碑文以旌勞績玄旣爲河  
平之碑又自以爲司馬遷班固記河渠溝洫僅載治水之道不言其方使後世  
任斯事者無所考則乃從魯訪問方略及詢過客質吏牘作至正河防記欲使  
來世懼河患者按而求之其言曰治河一也有疏有濬有塞三者異焉釃河之  
流因而導之謂之疏去河之淤因而深之謂之濬抑河之暴因而扼之謂之塞

疏濬之別有四曰生地曰故道曰河身曰減水河生地有直有紆因直而鑿之可就故道故道有高有卑高者平之以趨卑高卑相就則高不壅卑不瀦慮夫壅生潰瀦生堙也河身者水雖通行身有廣狹狹難受水水溢悍故狹者以計闢之廣難爲岸岸善崩故廣者以計禦之減水河者水放曠則以制其狂水隳突則以殺其怒治隄一也有剌築修築補築之名有刺水隄有截河隄有護岸隄有縷水隄有石船隄治掃一也有岸掃水掃有龍尾欄頭馬頭等掃其爲掃臺及推卷牽制蘊掛之法有用土用石用鐵用草用木用杙用絙之方塞河一也有缺口有豁口有龍口缺口者已成川豁口者舊常爲水所豁水退則口下於隄水漲則溢出於口龍口者水之所會自新河入故道之濼也此外不能悉書因其用功之次第而就述於其下焉其濬故道深廣不等通長二百八十里百五十四步而強功始自白茅長百八十二里繼自黃陵岡至南白茅闢生地十里口初受廣百八十步深二丈有二尺已下停廣百步高下不等相折深二丈及泉曰停曰折者用古算法因此推彼知其勢之低昂相準折而取勻停也

南白茅至劉莊村接入故道十里通折墾廣八十步深九尺劉莊至專固百有二里二百八十步通折墾廣六十步深五尺專固至黃固墾生地八里面廣百步底廣九十步高下相折深丈有五尺黃固至哈只口長五十一里八十步相折停廣墾六十步深五尺乃濬凹里減水河通長九十八里百五十四步凹里村缺河口生地長三里四十步面廣六十步底廣四十步深一丈四尺自凹里生地以下舊河身至張贊店長八十二里五十四步上三十六里墾廣二十步深五尺中三十五里墾廣二十八步深五尺下十里二百四十步墾廣二十六步深五尺張贊店至楊青村接入故道墾生地十有三里六十步面廣六十步底廣四十步深一丈四尺其塞專固缺口脩隄三重并補築凹里減水河南岸豁口通長二十里三百十有七步其剏築河口前第一重西隄南北長三百三十步面廣二十五步底廣三十三步樹置椿樞實以土牛草葦雜梢相兼高丈有三尺隄前置龍尾大掃言龍尾者伐大樹連梢繫之隄旁隨水上下以破嚙岸浪者也築第二重正隄并補兩端舊隄通長十有一里三百步缺口正隄長



四里兩隄相接舊隄置椿堵閉河身長百四十五步用土牛草葦梢土相兼修築底廣三十步修高二丈其岸上土工修築者長三里二百十有五步有奇高廣不等通高一丈五尺補築舊隄者長七里三百步表裏倍薄七步增卑六尺計高一丈築第三重東後隄并接修舊隄高廣不等通長八里補築凹里減水河南岸豁口四處置椿木草土相兼長四十七步於是塞黃陵全河水中及岸上修隄長三十六里百三十六步其修大隄刺水者二長十有四里七十步其西復作大隄刺水者一長十有二里百三十步內剋築岸上土隄西北起李八宅西隄東南至舊河岸長十里百五十步顛廣四步趾廣三之高丈有五尺仍築舊河岸至入水隄長四百三十步趾廣三十步顛殺其六之一接修入水兩岸掃隄並行作西掃者夏人水工徵自靈武作東掃者漢人水工徵自近畿其法以竹絡實以小石每埽不等以蒲葦綿腰索徑寸許者從鋪廣可一二十步長可二三十步又以曳掃索絢徑三寸或四寸長二百餘尺者衡鋪之相間復以竹葦麻縲大絳長三百尺者爲管心索就繫綿腰索之端於其上以草數千

束多至萬餘勻布厚鋪於綿腰索之上橐而納之丁夫數千以足踏實推卷稍高卽以水工二人立其上而號於衆衆聲力舉用小大推梯推卷成掃高下長短不等大者高二丈小者不下丈餘又用大索或互爲腰索轉致河濱選健丁操管心索順掃臺立踏或掛之臺中鐵猫大概之上以漸維之下水掃後掘地爲渠陷管心索渠中以散草厚覆築之以土其上復以土牛雜草小掃梢土多寡厚薄先後隨宜修疊爲掃臺務使牽制上下縝密堅壯互爲掎角掃不動搖日力不足火以繼之積累旣畢復施前法卷掃以厭先下之掃量水淺深制掃厚薄疊之多至四掃而止兩掃之間置竹絡高二丈或三丈圍四丈五尺實以小石土牛旣滿繫以竹纜其兩旁並掃密下大樁就以竹絡上大竹腰索繫於樁上東西兩掃及其中竹絡之上以草土等物築爲掃臺約長五十步或百步再下掃卽以竹索或麻索長八百尺或五百尺者一二雜廁其餘管心索之間俟掃入水之後其餘管心索如前纏掛隨以管心長索遠置五七十步之外或鐵猫或大樁曳而繫之通管束累日所下之掃再以草土等物通修成隄又以

龍尾大掃密掛於護隄大椿分析水勢其隄長二百七十步北廣四十二步中廣五十五步南廣四十二步自顛至趾通高三丈八尺其截河大隄高廣不等長十有九里百七十七步其在黃陵北岸者長十里四十一步築岸上土隄西北起東西故隄東南至河口長七里九十七步顛廣六步趾倍之而強二步高丈有五尺接修入水施土牛小掃梢草雜土多少厚薄隨宜修疊及下竹絡安大椿繫龍尾掃如前兩隄法唯修疊掃臺增用白闌小石并掃上及前洧修埽隄一長百餘步直抵龍口稍北欄頭三掃並行掃大隄廣與刺水二隄不同通前列四掃間以竹絡成一大隄長二百八十步北廣百一十步其顛至水面高丈有五尺水面至澤腹高二丈五尺通高三丈五尺中流廣八十步其顛至水面高丈有五尺水面至澤腹高五丈五尺通高七丈並剏築縷水橫隄一東起北截河大隄西抵西刺水大隄又一隄東起中刺水大隄西抵西刺水大隄通長二里四十二步亦顛廣四步趾三之高丈有二尺修黃陵南岸長九里百六十步內剏岸土隄東北起新補白茅故隄西南至舊河口高廣不等長八里二

百五十步乃入水作石船大隄蓋由是秋八月二十九日乙巳道故河流先所修北岸西中刺水及截河三隄猶短約水尙少力未足恃決河勢大南北廣四百餘步中流深三文餘益以秋漲水多故河十之八兩河爭流近故河口水刷岸北行洄漩湍激難以下掃且掃行或遲恐水盡湧入決河因淤故河前功遂隳魯乃精思障水入故河之方以九月七日癸丑逆流排大船二十七艘前後連以大桅或長樁用大麻索竹絙絞縛綴爲方舟又用大麻索竹絙用船身繳繞上下令牢不可破乃以鐵猫於上流碓之水中又以竹絙絕長七八百尺者繫兩岸大槓上每絙或碓二舟或三舟使不得下船腹略鋪散草滿貯小石以合子板釘合之復以埽密布合子板上或二重或三重以大麻索縛之急復縛橫木三道於頭桅皆以索維之用竹編笆夾以草石立之桅前約長丈餘名曰水簾桅復以木檣拄使簾不偃仆然後選水工便捷者每船各二人執斧鑿立船首尾岸上搥鼓爲號鼓鳴一時齊鑿須臾舟穴水入舟沉遏決河水怒溢故河水暴增卽重樹水簾令後復布小埽土牛白闌長梢雜以草土等物隨以填

埽以繼之石船下詣實地出水基趾漸高復卷大掃以壓之前船勢略定尋用  
前法沉餘船以竟後功昏曉百刻役夫分番甚勞無少間斷船隄之後草掃三  
道並舉中置竹絡盛石並掃置椿繫纜四掃及絡一如修北截水隄之法第以  
中流水深數丈用物之多施工之大數倍他隄船隄距北岸纔四五十步勢迫  
東河流峻若自天降深淺叵測於是先卷下大掃約高二丈者或四或五始出  
水面修至河口一二十步用工尤艱薄龍口喧慄猛疾勢撼掃基陷裂欹傾俄  
遠故所觀者股弁衆議騰沸以爲難合然勢不容已魯神色不動機解捷出進  
官吏工徒十餘萬人日加獎諭辭旨懇至衆皆感激赴功十一月十一日丁巳  
龍口遂合決河絕流故道復通又於隄前通卷欄頭掃各一道多者或三或四  
前掃出水管心大索繫前掃後闌頭掃之後後掃管心大索亦繫小掃碓前  
闌頭掃之前後先羈縻以錮其勢又於所交索上及兩掃之間壓以小石白闌  
土牛草土相半厚薄多寡相勢措置掃隄之後自南岸復修一隄抵已閉之龍  
口長二百七十步船隄四道成隄用農家場圃之具曰轆軸者穴石立木如比

櫛蕪前掃之旁每步置一轆軸以橫木貫其後又穴石以徑二寸餘麻索貫之繫橫木上密掛龍尾大婦使夏秋潦水冬春凌簿不得肆力於岸此隄接北岸截河大隄長二百七十步南廣百二十步顛至水面高丈有七尺水面至澤腹高四丈二尺中流廣八十步顛至水面高丈有五尺水面至澤腹高五丈五尺通高七丈仍治南岸護隄掃一道通長百三十步南岸護岸馬頭埽三道通長九十五步修築北岸隄防高廣不等通長二百五十四里七十一白茅河口至板城補築舊隄長二十五里二百八十五步曹州板城至英賢村等處高廣不等長一百三十三里二百步梢岡至碭山縣增培舊隄長八十五里二十步歸德府哈只口至徐州路三百餘里修完缺口一百七處高廣不等積修計三里二百五十六步亦思刺店縷水月隄高廣不等長六里三十步其用物之凡椿木大者二萬七千榆柳雜梢六十六萬六千帶梢連根株者三千六百藁秸蒲葦雜草以束計者七百三十三萬五千有奇竹竿六十二萬五千葦席十有七萬二千小石二千艘繩索小大不等五萬七千所沉大船百有二十鐵纜三



十有二鐵猫三百三十有四竹篾以斤計者十有五萬碎石三千塊鐵鑽萬四千二百有奇大釘三萬三千二百三十有二其餘若木龍蠶椽木麥稽扶椿鐵又鐵吊枝麻搭火鈎汲水貯水等具皆有成數官吏俸給軍民衣糧工錢醫藥祭祀賑恤驛置馬乘及運竹木沉船渡船下椿等工鐵石竹木繩索等匠傭貲兼以和買民地爲河併應用雜物等價通計中統鈔百八十四萬五千六百三十六錠有奇魯嘗有言水工之功視土工之功爲難中流之功視河濱之功爲難決河口視中流又難北岸之功視南岸爲難用物之效草雖至柔柔能狎水水漬之生泥泥與草并力重如碇然維持夾輔纜索之功實多蓋由魯習知河事故其功之所就如此玄之言曰是役也朝廷不惜重費不吝高爵爲民辟害脫脫能體上意不憚焦勞不恤浮議爲國拯民魯能竭其心思智計之巧乘其精神膽氣之壯不惜劬瘁不畏譏評以報君相知人之明宜悉書之使職史氏者有所考證也先是歲庚寅河南北童謠云石人一隻眼挑動黃河天下反及魯治河果於黃陵岡得石人一眼而汝潁之妖寇乘時而起議者往往以謂天

下之亂皆由賈魯治河之役勞民動衆之所致殊不知元之所以亡者實基於上下因循狃於宴安之習紀綱廢弛風俗偷薄其致亂之階非一朝一夕之故所由來久矣不此之察乃獨歸咎於是役是徒以成敗論事非通論也設使賈魯不興是役天下之亂詎無從而起乎今故具錄玄所記庶來者得以詳焉

蜀堰

江水出蜀西南徼外東至于岷山而禹導之秦昭王時蜀太守李冰鑿離堆分其江以灌川蜀民用以饒歷千數百年所過衝薄蕩嚙又大爲民患有司以故事歲治隄防凡一百三十有三所役兵民多者萬餘人少者千人其下猶數百人役凡七十日不及七十日雖事治不得休息不役者日出三緡爲庸錢由是富者屈於貲貧者屈於力上下交病會其費歲不下七萬緡大抵出於民者十九藏于吏而利之所及不足以償其費矣元統二年僉四川肅政廉訪司事吉當普巡行周視得要害之處三十有二餘悉罷之召灌州判官張弘計曰若贅之以石則歲役可罷民力可蘇矣弘曰公慮及此生民之福國家之幸萬世之

利也弘遂出私錢試爲小堰堰成水暴漲而堰不動乃具文書會行省及蒙古軍七翼之長郡縣守宰下及鄉里之老各陳利害咸以爲便復禱于冰祠卜之吉於是徵工發徒以仍改至元元年十有一月朔日肇事于都江堰卽禹鑿之處分水之源也鹽井關限其西北水西關據其西南江南北皆東行北舊無江冰鑿以辟沫水之害中爲都江堰少東爲大小釣魚又東跨二江爲石門以節北江之水又東爲利民臺臺之東南爲侍郎楊柳二堰其水自離堆分流入于南江南江東至鹿角又東至金馬口又東道大安橋入于成都俗稱大皂江江之正源也北江少東爲虎頭山爲鬪雞臺臺有水則以尺畫之凡十有一水及其九其民喜過則憂沒其則則困又書深淘灘高作堰六字其旁爲治水之法皆冰所爲也又東爲離堆又東過凌虛步雲二橋又東至三石洞醜爲二渠其一自上馬騎東流過鄆入于成都古謂之外江此冰所穿二江也南江自利民臺有支流東南出萬工堰又東爲駱駝又東爲碓口繞青城而東鹿角之北涯有渠曰馬壩東流至成都入于南江渠東行二十餘里水決其南涯四十有九

每歲疲民力以塞之乃自其北涯鑿二渠與楊柳渠合東行數十里復與馬壩渠會而渠成安流自金馬口之西鑿二渠合金馬渠東南入于新津江罷藍淀黃水千金白水新興至三利十二堰北江三石洞之東爲外應顏上五斗諸堰外應顏上之水皆東北流入于外江五斗之水南入馬壩渠皆內江之支流也外江東至崇寧亦爲萬工堰堰之支流自北而東爲三十六洞過清白堰東入于彭漢之間而清白堰水潰其南涯延袤三里餘有司因潰以爲堰堰輒壞乃疏其北涯舊渠直流而東罷其堰及三十六洞之役嘉定之青神有堰曰鴻化則授成其長吏應期而功畢若成都之九里隄崇寧之萬工堰彰之棚口豐潤千江石洞濟民羅脚諸堰工未及施則召長吏勉諭使及農隙爲之諸堰都江及利民臺之役最大侍郎楊林外應顏上五斗次之鹿角萬工駱駝碓口三利又次之而都江又居大江中流故以鐵萬六千斤鑄爲大龜貫以鐵柱而鎮其源然後卽工諸堰皆蝨以石範鐵以關其中取桐實之油和石灰雜麻絲而搗之使熟以苴罅漏岸善崩者密築江石以護之上植楊柳旁種蔓荊櫛比鱗次

賴以爲固蓋以數百萬計所至或疏舊渠以導其流或鑿新渠以殺其勢遇水之會則爲石門以時啓閉而洩蓄之用以節民力而資民利凡智力所及無不爲也初郡縣及兵家共掌都江之政延祐七年其兵官奏請獨任郡縣民不堪其役至是復合焉常歲獲水之利僅數月堰輒壞至是雖緣渠所置碓磴紡績之處以千萬計四時流轉而無窮其始至都江水深廣莫可測忽有大洲湧出其西南方可數里人得用事其間入山伐石崩石已滿隨取而足蜀故多雨自初役至工畢無雨雪故力省而功倍若有相之者五越月功告成而吉當普以監察御史召省臺上其功詔揭撰斯製文立碑以旌之是役也凡石工金工皆七百人木工二百五十人役徒三千九百人而蒙古軍居其二千糧爲石千有奇石之材取于山者百萬有奇石之灰以斤計者六萬有奇油半之鐵六萬五千斤麻五千斤撮其工之直物之價以緡計者四萬九千有奇皆出於民之庸而在官之積者尙餘二十萬一千八百緡責灌守以貸于民歲取其息以備祭祀及淘灘修堰之費仍蠲灌之兵民所常徭役俾專其力於堰事

涇渠

涇渠者在秦時韓使水工鄭國說秦鑿涇水自仲山西抵瓠口爲渠並北山東注于洛三百餘里以溉田蓋欲以罷秦之力使無東伐秦覺其謀欲殺之鄭曰臣爲韓延數年之命而爲秦建萬世之利秦以爲然使迄成之號鄭渠漢時有白公者奏穿渠引涇水起谷口入櫟陽注渭中袤二百里溉田四千五百餘頃因名曰白渠歷代因之皆享其利至宋時水衝嚙失其故蹟熙寧間詔賜常平息錢助民興作自仲山旁開鑿石渠從高瀉水名豐利渠元至元間立屯田府督治之大統八年涇水暴漲毀堰塞渠陝西行省命屯田府總管夾谷伯顏帖木兒及涇陽尹王瑯疏導之起涇陽高陵三原櫟陽用水人戶及渭南櫟陽涇陽三屯所人夫共三千餘人興作水通流如舊其制編荆爲囤貯之以石復填以草以土爲堰歲時葺理未嘗廢止至大元年王瑯爲西臺御史建言於豐利渠上更開石渠五十一丈闊一丈深五尺積一十五萬三千工每方一尺爲一工自延祐元年興工至五年渠成是年秋改堰至新口泰定間言者謂石渠歲



久水流漸穿逾下去岸益高至正三年御史宋秉亮相視其堰謂渠積年坎取淤土疊壘於岸極爲高崇力難送土於上因請就岸高處開通鹿巷以便夫行廷議允可四年屯田同知牙八胡涇尹李克忠發丁夫開鹿巷八十四處削平土壘四百五十餘步二十年陝西行省左丞相帖里帖木兒遣都事楊欽修治凡溉農田四萬五千餘頃

### 金口河

至正二年正月中書參議字羅帖木兒都水傅佐建言起自通州南高麗莊直至西山石峽鐵板開水古金口一百二十餘里創開新河一道深五丈廣二十丈放西山金口水東流至高麗莊合御河接引海運至大都城內輸納是時脫脫爲中書右丞相以其言奏而行之廷臣多言其不可而左丞許有壬言尤力脫脫排羣議不納務於必行有壬因條陳其利害略曰大德二年渾河水發爲民害大都路都水監將金口下閉閘板五年間渾河水勢浩大郭太史恐衝沒田薛二村南北二城又將金口已上河身用砂石雜土盡行堵閉至順元年因

行都水監郭道壽言金口引水過京城至通州其利無窮工部官并河道提舉司大都路及合屬官員耆老等相視議擬水由二城中間窒礙又盧溝河自橋至合流處自來未嘗有漁舟上下此乃不可行船之明驗也且通州去京城四十里盧溝止二十里此時若可行船當時何不於盧溝立馬頭百事近便却於四十里外通州爲之又西山水勢高峻亡金時在都城之北流入郊野縱有衝決爲害亦輕今則在都城西南與昔不同此水性本湍急若加以夏秋霖潦漲溢則不敢必其無虞宗廟社稷之所在豈容僥倖於萬一若一時成功亦不能保其永無衝決之患且亡金時此河未必通行今所有河道遺跡安知非作而復輟之地乎又地形高下不同若不作閘必致走水淺澀若作閘以節之則沙泥渾濁必致淤塞每年每月專人挑洗蓋無窮盡之時也且郭太史初作通惠河時何不用此水而遠取白浮之水引入都城以供閘壩之用蓋白浮之水澄清而此水渾濁不可用也此議方興傳聞於外萬口一辭以爲不可若以爲成大功者不謀於衆人言不足聽則是商鞅王安石之法當今不宜有此議既上

丞相終不從遂以正月興工至四月功畢起閘放金口水流湍勢急沙泥壅塞  
船不可行而開挑之際毀民廬舍墳塋夫丁死傷甚衆又費用不貲卒以無功  
繼而御史糾劾建言者字羅帖木兒傅佐俱伏誅今附載其事于此用爲妄言  
水利者之戒

元史卷六十六